

1. Bodenstein / Andr. von Carolstadt  
 von beiden Gesalten der  
 feiligen Messe. Wittenberg.  
 1521.

2. Handbucht zu Klärung  
 1. Corinth. 1. Wittenberg  
 1521.

3. Sermon von, Dyal,  
 tung der güttlichen und  
 bösen Engel im Himmel.  
 Strasburg

4. Dialogus von  
 missbrauch des heiligen  
 Deyer Sacraments. Jesu Christi



11. Epistel an die  
Gemeinde zu Wittenberg  
den abfied des avarro  
desolts Botwyl. Land.  
Wittenberg 1523.

12. von mannyfaldig,  
Zeit des sinigen willon  
Gottes

13. was gesagt ist die  
golaßon. Wittenberg  
1523.

14. anlegung siniger  
Pflanz zu dem episp.  
Lise von die lise.  
Wittenberg, 1519.

15. vom Sabbath  
und freier Tagen  
1524. An Fe 3139

n. Poulk Vg 541



AB 154 230

als so zu beh. anwch.

hi

10

f.

# Von beiden gestalteten

der heylige Messze.

Von Tzeichen in gemeint was sie  
wirken vnd deuoten.

Sie seind nit Behemen oder Kes-  
zer/ die beide gestalt nhemē.  
sonder Ewangelische  
Christen.

Andres Boden. von Carolstatt

Gedruckt in der Christliche statt  
Wittenberg Andres  
im xxi. Jar.

(Kerlstadt, Andreas)



L 2, 1972.



Dem Ersamen Jorgen reych Burger zu Leip  
zigt meinē in sonderheit gelibte gonder  
wunsch ich Andres gnant Carol  
stater/gots gnad vnd  
Barmhertzikeit.

Gunstiger Bruder/nach dem ir ettliche predig/von  
der Messe/alhie gehört/vnd begert habt/Das ich mei-  
nen glauben/darauff euch endeckē wolt/haß ich mich er-  
hoßē/euch zu dienen. Wie wol ich weiß/das ettliche diß  
se materiē flihen/als wer sie dunckell/vnd nicht zu er-  
gründē. Dannest fürcht ich mich nit/von der Messe zu  
teil/zuschreiben/vnd acht das ein grosser vnstand/vnd  
spottlich sey/das wir nit vorstehent das yene/welches  
wir teglich handeln/sehen/horen/ader sunste gebrauchē.  
Ich weiß auch fur war. das heylig Euangelium/in sich.  
licht/klar/vñ leicht ist/vñ ydermeniglich leichtlich ein-  
geht/der es ym lawtern glaubē/vñ in aignē safft schme-  
cket. War ist/s das Bepstlich dreyen vñnd gesicht/das  
leichte Euangelium schwer. das lichte/finster. das klare/  
dunckell. das gottlich/menschlich gemacht habē. Vnd  
yreliechtfertige vbung ader gebrauch also in die bestendi-  
ge warheit eingemengelt vñ vermüschet habē. Das wir lei-  
der vnser Euangelium nicht mer kennen. vnd dahin zu-  
men yst/das Pfaffen nit fragen/noch achtē/was Euan-  
gelisch/sonder was vblich vnd gebrauchlich ist.

Vnd wie wol die Romische plinden furer/zeiten die  
warheit verkunden/wie Balaam vnd Cayphas prophe-  
tizirt haben/dannest mogen sie/in irem eigen worten nit  
bleibē. Sie sagē/das gewonheit. der warheit. weichē soll.  
Item. Warheit ist mehr/dan der gebrauch. Itē Szo die  
warheit offenbar wirt/soll ir die widerwertig vbung vñ  
brauch on hinderns stat gebē. Aber so mā auf die Papisti-  
schē achtüg hat. sunderlich im artickel der Messe. wirt me-  
niglicher vormerckē/das sie nicht weniger thun. dan das  
sie sagen/Vnd das sie das widerspiel furwenden. Dan sie

durffen/ire gewonheit/wider gottlich warheit rucken.  
vnd wissen nicht mher/dan von irrer gewonheit zu sage.  
vñ vorstehend nicht minder dan/Euangelisch warheit.  
ya sie mogen nit dulden/vnd yre oren oben/wan eyner  
warheit des Euangelij furlegt/alt herkommen zebrechen/  
Itzo ist kein ander geschrey/kein ander gesanck/dan.Das  
ist ein alter gebrauch. Das ist vblich vñ gewonlich.

¶ Von der warheit disputirē sie/ab sie gut vnd war sey/  
ader nit. ¶ Von der gewonheit lassen sie keinē fragen/ob  
sie dem Euangelio gemess/oder entgegē/gut oder boß ist.  
¶ Enttlich ist's dohin kumen/das wir nit durffen fragē.  
Wie Christus seine Messe gehalten/ingesetzt/vnd seinē  
Jungern zu gebrauchen bevolhen hat. ¶ Wer Messe be  
gert zu wissen/der muß Bepstlich/leer suchen/wiel ehr  
ein Christ genēt sein. Des mich gleich gemant/als wan  
ich gern einen guldin kelch wolt machen/vñ du weißest  
mich zu einē schuster/oder winckel feger. Es solt doch  
ye sein/das der die Messe begreuffen wil sie aus dē Euan  
gelio lernen solt.dar in sie geschrieben ist/das vnser feind  
bewilligē müssen. Wan ich wolt wissen wu ein fluesß her  
fleusset/must ich dem vrsprunck nach gehn/bieß ich zur  
stat kum da er auffquillet. Wir woltē gern dē bron wissen  
darauf die Messe her kumpt/drumb soltē wir dē selbē im  
Euangelio suchen/Aber der Bapst vñ sein anhangt furē  
vnß zeruck/das wasser ab/vnd brengen vnß von dē an  
fangt der Messe/zu dem miesbrauch.

Vns ist auch gunstiger Bruder/des gleißnerische gla  
nze/so vil in die Messe gefurt/das wir vnser Christliche  
Mess nicht mehr konden gesehen vñ erkennen.

Das offentlich solt gerett vñ gepredigt werdē/das  
blasen die Messirer auß gleich wie die genße zischen.

Das sie vnß in mund gebē solten/das weisen sie vns  
vber das herobt.

Das sie auß freyhem geist thun solten/das thun sie in  
ansehung irer stiftung/vmb gelt/vnd gold,vmb zins/  
vmb eere vnd lob.

Das sie onneynige forcht nhemmen solten/ das nhemē sie auß forcht

Das sie mit lust vnd begirden soltē gemissen/ das müssen sie zeten mit vnlust vnd grauchen essen.

Das sie mit kurzen Worten außrichten solten/ das ziehen vnd breiten sie vber die massen auß.

Das sie yeder man leren solten/ das verdecken sie den Christen/ vñ wollen selbst mit lernen/ was sie handeln.

Sie haben die Messe zu einem opffer gemacht/ wort vnd weise verkeret/ vñ sprechen/ sie opffern gott/ das ihn doch gott giebt.

Sie sagen sie kondē einē andern ire Messe teylhafftig machē/ vñ vber redē vns des/ das vnser keiner begreuffen kan. Sie sprechē/ so einer des sacramēt begirig ist/ magt er ein Messe sehen/ vnd der Messen frucht bekumē/ gleich als wan ich hungerig wer/ vnd ein ander esse fur mich/ so mochtich satt werden. mir mit.

In der summa es ist alles vmbgekeret/ wort/ weiß/ werck/ frucht/ vnd nutz der Messe. Sie habē den leihen gebottē. das sie alle Sonntag Messe sollē horen oder sehen vnd der gleichen vil vnordenlicheit eingesetzt.

Der halben hab ich furgenumen/ nach verliher gotlicher gnad/ soliche bose mißhandlung vñ gewonheitē helffen abzebrenge. Die Euangelische/ fruchtbare/ vñ heylige Messe wider vmb an tag tragē. Sonderlich wie die zeichen oder beyde/ gestalten sollē gebraucht werden.

Inhalt  
disses  
büch-  
lins.  
Gestalt  
des bro-  
des.

Was brot vñ wein nutz seind. was die verheyschung bedewten/ dadurch wil ich anzeigen / was ferligkeit die haben/ die nur ein Gestaltd/ des brots/ empffahen. Vnd beweissen/ das sie das sacrament on vrteyl vnd erkentnes gnissen/ suchen das ym brot/ das sie ym wein solten suchen/ vñ seind strefflicher dan die Corinthier. Vnd sundigen grewlicher dan die das Sacrament auffs ertrich lassen fallen. Er ich das anfah/ wil ich von zeichen in

gemein redē/ euch vñ gantzer Christēheit zu gut/ got zu  
glorien vnd eere. Amē. dē lebentigē got in vleiß beuolhen.  
Amen. Datum Wittenberg Martini. xxi.

### Eingang vnd Schutzred.

Gedenck ym nur keiner/ das ehr mich mit einem an-  
dern schwert schlagen werd/ dan das die geschriffte got-  
tis wort nent. Die pfeile mustu aus der Biblien schieffen.  
Die mich wunden vñ gewinnen sollen/ Du darfst dich  
nit altes gebrauches behelffen. wan du mich wilt antastē.  
Ich bin ein Christ/ nit durch gewonheit/ sunder in got-  
tlichem wort getawfft. Du darfst dich nit wider mich  
auffleyen/ vnd deinen bauch auffbloßen mit beschlus  
der Concilien/ dan ich hab in nicht geschworen/ nem  
sie auch nit weiders an/ dan so fern sie gottlichen grund  
haben. Vnd als dan/ setze ich mich nit auff der Concili-  
en wort/ sonder auff die stum Christi vnd wort gottis.

Ich bin Christi vnd sal tauwe vñ zugeschloßne  
oren haben zu allen reden/ leren/ vnd buchstaben dieser  
welt. Drumb das ich mit Christo tod bin/ vñ  
der welt nar/ vnd creutz bin/ vñ wider vñb das wir  
weltlich leer nit allein tod/ sonder auch ein creutz ist.

Ich danck got seiner gnaden/ das ehr mir aus gna-  
den weltlich gesetz bitter vnd herb gemacht.

Weltlich gesetz/ heysß ich alle leer die nit yn der Bibli-  
en steht/ vnd wil doch zu gotts eere/ lob/ oder willen die-  
nen/ die Esaias vnd Christus als eynen Tawffell meis-  
denn.

In zeiten Moysi als die Pfaffen/ alle yrrungen  
nach dē gesetz gotis vrteyltē/ mustē die Juden erkentnis Dent.  
Der Priester annehmen/ bey verlast leybs vnd lebens. xviii.

Aber als die Pfaffen/ das rein/ weiß silber/ in schwar-  
ze vnd rauche schlacken verwandelten. Esaias. i.

Hiere.  
xxiii.  
Ezech.  
xiii. et 14  
Matth  
Joan. x

vnd als / von propheten Israhel / befleckung gotis wort  
aufgange ist. Als sie dorste sagē. Das hat got gesagt / das  
got nit gesagt hett / vnd predigten ires hertzen gedancē /  
gesicht vnd dremē. hat vns got / von henden vnd rath  
der Pfaffen frey vnd letig gemacht / vnd seine schefflein  
auff die berg Israhel. Moisen / Propheten / Christum /  
vnd aposteln geleitt vnd gespannt. Got spricht / Der ist  
mein gelibter son / den horet. Christus spricht mein sche  
fflein horen mein stum. Er spricht nit / sie horen Conci  
lien. oder horen vbung vnd alten gebrauch. Christus  
spricht. Ich bin der weg / warheit / vnd das leben. Ehr  
sagt nit. Ich bin die vbung / gebrauch oder Conciliū.  
Wollē wir einē weeg habē zur seligkeit oder vns an war  
heit haltē / so müssen wir vns an Christū heftē. Du darfst  
mir weder weeg / noch warheit / noch leben anders wu  
zeigen / dan in Christo. in seinen propheten. vnd aposteln  
Ich las mich zu nichts anders fhürē / gottliche schrift  
forcht ich. gottlicher schrift weich ich / vnd eer sie. viel  
auch meniglichē / in fleiß gebeten haben / ehr woll dieße  
Euangelische sach nach dem. h. Euangelio vrteilen / vñ  
sie durch. h. geschriffte verdammen oder verreytigen.  
Demnach sage ich / das Euangelische Messe in zwe  
ien stücken steht / Sie hat nicht anders / dan verheschüg /  
vnd zeichen. die wir wol vnd ordenlich gebrauchen sol  
len. Von den zeichen / wil ich erstlich schreiben. Wie wol  
gottis wort mehr ist / den angeheffte zeichen. vnd solt  
wol billich / das wort gotis zu vor / dar nach das leiplich  
ding handeln. Aber ich muß ertlichen Pfaffen wilfaren  
die das kleinste fur das groste setzen ( wie die gleisner stetz  
getan haben ) vnd in yren glantz zu vor finster machen.  
Es ist auch nit wider gottlich ordenung / dan zeiten ste  
hend zeichen vor / vnd gottis zusag dar nach. zeiten got  
tliche verheschung vor / vnd zeichen nach. Des ersten / ha  
stu ein exempel leuiti. iiii. do mustē die sunder ir opffer vor  
geben / das zeichen waren zc. vnd darnach volgten die  
promission / des andern haben wir ein exempel. gene. ix.

von dem regen Bogenn.

2 Ich wil auch offentlich bedingt haben / wu ich re-  
den wurd / wie der gemein hauff / ein zeit langt / biß an-  
her / gerett hat / das man mir nit nach volgen sal / sonder  
sich yeder fleissen soll / schlecht zereden / wie die schriefft  
redet. Der vngeleret hauff spricht. gestaldt des brots. vnd  
gestaldt des weins. in der meinung / das kein naturlich  
brot / vnder gestaldt des brots ist / wan es der Priester ge-  
benedeihet hat. Das ist vnrecht / vnnnd wider das heilig  
Ewangeliun / dan gleich das brot / das der becker gema-  
cht vnd gebacken hat / bleibet auch nach der gebenedeüig  
brot. Dan wan gesegener brot / nit das brot blieb / das  
der Priester vor der consecration in sein hende nimbt / so  
mogt Christus in keinem weeg warhafftig gesagt haben  
nembt hin / das ist in mein leip. Dan Christus nam na-  
turlich vn̄ gemein brot in seine hende / danckt got / brach  
es / vnd gabß yhn / sagende Nembt / vnd essend / das ist  
mein leip. ¶ Sich Christus spricht nit / gestaldt des brots  
ist mein leip. Sonder also / das brot / das ich in meine hē  
de genommen vn̄ gebenedeihet / gebrochen / vn̄ euch geben  
hab / das ist mein leip. On allen zweiffell seind disse ding  
zweierley. Gestaldt des brots / vn̄ brot. vn̄ sein so fern vñ  
eynander / dz eins dz ander nit ist / nemlich das wir warh-  
afftiglich mogē sage. Gestaldt des brots ist nit das brot.  
Es ist etwas / das dem brot anhangt / als roth farb oder  
weiß. Jcē die groß / vn̄ schmack des brots die dē brot an-  
hafft / Brot ist das wesen / boden vn̄ grund / dem solche  
gestaldt anhangt / Gleich wie gestaldt eins mēschen der  
mensch nit ist. sonder hanget dem menschen an. Also ist  
auch gestaldt des brots / nit brot sonder klebt am brot.  
Wist verwandelt sich gestaldt des mēschē / vn̄ der mēsch  
bleibe doch wesenlich / das man spricht / wie ist der so vn̄  
gestaldt? Als wan einer rod / brun vnd weiß ist / vnd wirt  
durch krankheit gelb / vn̄ mager / spricht man recht / der  
hat sein gestaldt verwandelt oder vorloren / wie wol ehr  
der vorig mensch ist. Also reden wir von brot / wan wir

Matth

xxvi.

Lu. xxi

schon / weiß / vnd süß Brot in einen Keler legten / dar in  
es sein farb vnd schmack verloren hett / sagten wir / war  
lich / gestalt des Brots ist geendert / vnd sprechē. das Brot  
ist da / aber gestalt des Brots ist nicht verhandē / daraus  
magt yder ab nhemmen / den grossen vnderscheid zwusch  
en der gestalt des Brots / vnd wesen des Brots. Wan wir  
sagen / der n hat Brot / so nhemmen wir das wesenlich  
Brot. Wu du sagest / das süß vnd weiß / groß / klein / ader  
rond Brot / so nennest du Brot vnd sein gestalt samptlich.

Matth  
xxvi.

Nun ist's vnglawbar / daß die ewangelisten sagen. Jesus  
nam Brott / gesegnets oder dancket gott / brach es / vnnd  
teylet es den Jungern sagende. Nembt vnd essend / das  
ist mein leip. Matthe. xxvi. Sih die schrift saget von de  
Boden / grund / vnd wesen des Brots / da von Christus  
spricht. Das ist mein leip. vnd redet nit von der gestalt.

Der text sagt nit also. Gestalt des Brots ist mein leip.  
sonder klar / Brot ist mein leip. Es ist auch nie gehört /  
das imand durch gestalt des Brots gespeist vn̄ satt wird.  
Weil dan Christus das Brot in seine hende genhumē zc.  
vnd den Jungern geben. das sie essen solten / sie speisen  
mogt. Wie dorffen dan die Papisten sagen / gestaltdt des  
Brots ist der leip Christi. Wie seind sie so freuelich / das  
sie anders reden / dan das Ewangeliū redt. Das euan  
gelium dewtet auff's Brot / vnd spricht. Das ist der leip  
Christi. So dewten die Papisten auff die Gestaltdt des  
Brots / sagende. Vnder gestaltdt des Brots ist der leip  
Christi. In diesem val darff ich alle die yene freueler

Papiste  
Kerzer.

vnd Kerzer schelten / so reden dorffen diese wort. Das Brot  
ist nit der leip Christi. Dan Christus spricht. Das Brot  
sein leip ist. Ich kan alle menschen als richter vnd vrtey  
ler leidē / die ein lot byrns vnd verstands habē. Die gles  
ben / das Ewangelsche wort warhastig / gut / vnd ges  
recht seind / vnnd gots wort nymands bedrigen kan.

Vnd bitt die leyhen / das sie dem Ewangelio strack's  
glauben / vnd den Papst als einen Kerzer halten / dero wi  
der klaren text des Ewangeliū schwazet / vnnd sprichet  
Brot

Brot ist nit der leip Christi. Sehet ir leyhen auff den text  
vnd last euch den selben so vil/ya nher/gelten/als den  
Bapst/vnd lassent menschen red faren/vnd nembt zu  
euch Christliche vnd gottliche red/in dem stück/dorinn  
yr Christen sein welt. Dan gott wil/das wir sein wort  
erhoren vnd reden. Ioan. v. vnd ii. Esdre. ultimo. Vnd  
abglawbige zungen flyhen/als O see ij. geschriben stat.

Der text spricht. Jesus nam das brot/alhie frag ich  
die Papisten/ab Christus brot oder gestalt des brots ge  
numen hab? ob er recht brot genumen hab? Sie haben  
bereit ya gesagt/vnd bekant. Das Christus warhafftig  
brot hab genumen/welches der becker gebacken hat.

Wie konden sie dan zweyffeln/das das brot der leip  
Christi ist? Die weil Christus spricht. das ist mein leip?  
gleich das brot. das ich in meine hende genumen/gebene  
deyt/vnd euch geben hab/ist mein leip/also redet Chris  
tus die warheit. Welcher Tewffel hat den Papisten  
macht geben/zu sagen/das das naturlich brot/durch  
gebenedeyhung abgehn oder verschwind also das nicht  
mehr brot bleibt/vnd das allein gestalt des brots vberig  
ist? Sie zeigen mir das im Euangelio. so wil ich in  
anhangen. Ist danck sagung vnd gebenedeyhung so giff  
tig/das sie brot zu nicht macht? ob sie gleich sagen.

Non annihilatur quia habet terminum succedentē.  
Dannoch sprechē sie/das wesen/des brots/nit bleib. son  
der allein gestalt des brots vnd wein bleiben. Was has  
ben sie aber mit irer subtilkeit anders verschafft/dan das  
sie vns vom Euangelio/in ire tolhe meinung gefurt has  
ben? vñ aus einem vnbegreufflichē artickel/vier artickel  
schwerer vñ vnbegreufflicher gemacht haben. Der erste  
ist das wir sollen glawben/das brot nit vnder gestaldt  
des brots ist. Der ander/das wir nit erlangen konden/  
wie ein grosser leip Christi vnder soliger kleiner gestaldt  
des brots ist. Der dritt. das vns Christus mit gestalten  
nit mit substantz/des brots wolt speissen. Der viert/das  
wir dahin gefallen sind zu glawben/als solt der Bapst

macht haben / new wort / vnd newe Ewangeliën zu ma-  
chen. Nun seyn doch diese wort klar. Christus nam brot  
dancket got. Der Ewangelist spricht nit / Er nam die ge-  
stalt des brots / er spricht auch nit / er macht das brot. vn-  
der gestalt das brots nit bleibt. o nein / sonder also. Er dan-  
cksaget got. Sih in diese wort. Er nam brot vñ wolsaget  
oder dancket got / brach es / vnd gab es seinen Jungern /  
sagende. Nembt vñ essend das ist mein leib. Alhie sol-  
stu / das erste vñ letzte wort yn fleiß behalten. Nemblich  
das wort *Acceptit panem*. Matth. xxvi. das ist / Christus  
nam brot zc. vnd das letzte wort / *cōmedite / hoc est cor-  
pus meum*. Das ist. Essend das brot ist mein leib. Dan-  
aus solchen worten wirstu in rechtē verstand / vñ recht  
red Christlicher meinūg kumē. Wan du dan disse wort  
wol ansiehst oder horest / wirstu merken / das diese wort  
auff ein naturlich brot dewten / das der Becker gebacket  
hat. Du wirst ouch beschliffen / das allen menschen also  
soltē redē. Brot ist der leib Christi. Meines teils / wolt  
ich alle zeit gern reden wie die schrift / vnd das heylig  
Ewangeliūm redet. Sonderlich von diesem sacrament.

Aber die giftige zungen der Papisten / haben mir von  
jugent auff frombd vnewangelische reed eingeschutt.  
Vnd also in irer sprach vnd funden lassen auff wachsen /  
vnd mich dahin bracht / das mir ire wort vñ drowm on-  
fursatz vnd gedanken aus meinen maul empfallen müs-  
sen / vnd zeiten sagen / gestaltdt des brots / do ich schlecht  
brot nennen solt. Zeiten trag ich meiner Brüder in Chri-  
sto krankheit / die ouch verfurt seind / vnd reede wie sie /  
do mit ich sie / von boser reed / in Ewangeliſche sprach  
mag brengen / dem nach hab ich dieses buchlein. Von bee-  
den gestaltē der heilige Mess genenēt / nicht das sie auch  
also reden sollen / sonder das ire zungen solicher erdichten  
worten ledig vnd müßig werdē.

iii. Christus spricht / als Joannis vi. geschriben stett  
das got ein worhafftig brot / vom hiemel geben hab / vñ  
sagt / das selbe brot / welches vom hiemel gestigen ist / ein

warhafftig brot ist/ das der welt das leben gibt/ vnd er  
kertz/ das er selber das selbige brot sey/ sagende. Ich bin  
brot des lebens. Das hat Christus in volgendē wortē  
auffgelegt auff diese meinung. Ich bin brot des lebens.

Ich bin das lebendig brot vñ vom hiemel herab kumē.  
Welcher von diesem brot isset/ der wird in ewigkeit lebē.

Darus volget/ das Christus lebendig broth ist/ das in  
sich lebet/ vñ gibt den essern das ewig leben. Item Chri  
stus meldet ferner/ das das brot/ welches er geben wird/  
sein fleyisch sein. Item das sein fleyisch warlich ein speyß  
sey/ vnd sein blut warlich ein drancck. Das hatt Chri  
stus nit von dem brot gesagt/ das der becker gewirckt vñ  
er zu einem zeichen geben hat/ sonder von dem/ das der  
heilig geist im iunckpfraulichem leib empfangen vñ ge  
born hat. Dan Christus saget/ das er lebendig brot ist/ vñ  
das brot/ sein fleisch ist/ vnd sein fleisch warhafftige spei  
ße ist/ vñ das er selber ein warhafftig brot ist/ das ist ye  
nit von des beckers brot gesagt/ das wir ein hostien nen  
nen/ das weiß vñ rund ist/ oder sunst andere form/ vñ ge  
stalt hat. Wie aber/ das fleisch Christi ein warhafftige  
speiß sey leret Christus sprechende. Welcher mein fleisch  
ysset/ vnd mein bluet trincket/ der hat das ewig leben.

Item welcher mich ysset/ der lebet von meinet wegen.  
Die ist warhafftige speiß/ die einen ernert/ vnd bey lebent  
behelt. Natürlich brot gibt zeitlich vñ vergänglich lebē.

Himelisch vnd lebendig brot/ gibt ewig vnd unver  
gänglich wolleben. Das gibt Christus. Drum ist er war  
lich ein speiß. zc.

iiii. Das brot/ welches der Messhalter zu henden nym  
mbt/ ist nit lebendig/ es ist auch nit brot des lebens/ das  
ewig leben geben kan. Es ist auch nit vom hiemel geste  
gen/ wie Christus/ sonder aus dē offen des beckers kumē.

Es ist auch nit fleisch/ sonder brot. Idoch wan das  
broth der leib Christi geworden ist/ so magt ich sagen/  
das broth yst lebendig/ fleischlich hymelisch/ vnd gibt  
der welt das leben.

Nicht das ich dē Brot/ solche natur vnd eigenschafft  
geb/ in seinem wesen. Das sey mir frombd/ s̄onder dar  
vmb das ein new wesen gewordē ist. vnd wie ich sagen  
darff. Brot ist der leip Christi/ also mag ich sprechen.

Brot ist fleysch Christi/ das lebē Christi/ vnd ist Chri  
stus selber. Es behelt aber sein alte aigeschafft in sich/  
vnd verleuset sie nicht/ das ist. das gebenedeyheit/ Brot  
behelt sein substantz/ es bleibt wesenlich Brot. ist rotund  
oder langē/ süß/ aber sawer/ oder schwarz/ aber hat ande  
re farb/ vergeet vñ verdirbt wie ein ander Brot.

v. Nimm das exempel von der menscheit Christi. die  
menscheit Christi war sterblich. mocht frost/ hitz/ hunger  
vnd durst fulen vnd leyden. Die gottheit Christi kond der  
Keins leyden/ sie war/ vnd ist/ ewiglich/ vnsterblich. Kan  
weder hūger/ nach durst/ weder frost nach hitz besyndē.

Idoch ist der selbe mensch got gewordē. vñ hat doch  
sein aigen natur behalten. diesser artickel ist gleich s̄o sch  
weer vñ dapffer. Der mēsch ist got/ wie der ander. Brot  
ist der leib Christi. aber diser. Wein ist das blut Christi

Gener ist den leyhen leicht/ das sie von iugend auff do  
mit erzogen vnd gewiget sein. Aber diser artickel Brot  
ist der leib Christi geworden/ ist ynen new vñ from/ vñ  
wie wol er klar ym Ewangelio stet. dannest hat nymant  
dorffen reden/ wie das Ewangeliū redet. Drumb das  
die ketzer zu Rom wort vnd syn Christi verpotten vñ an  
ders gelert habē. Du glewbest das der mēsche/ mēsch  
bleibt/ dero got geworden ist. derhalbē das dich die sch  
riffte leret. Warum glewbest du auch nit/ dem klaren  
Ewangelio. das vnverdeckt spricht. Das Brot ist mein  
leip/ vñ der wein ist mein bluth. Ja sagestu der Babst  
hat mir dise red verbottent. O lieber Bruder/ du solste  
den Babst nit horen. Ehr leuget. wie Hieremias saget/  
vnd ist diffes falhs halben ein offenbarer ketzer. Laß dir  
schriffte zeigen/ wan er dir was saget/ weiter glawb ym  
nicht. Ja sagestu die von Paris sagen das diser arti  
ckel. Das Brot ist der leip Christi/ ketzerisch sey.

Antwort. Wan einer der halben ein ketzer sein solt/  
das yhn die heidenische Pariser cynē ketzer schelten. so  
mustē Mattheus / Marcus vñ Lucas ketzer sein / die mit  
lichten Worten sagē. Brot ist der leip Christi / vñ wein  
ist das blut Christi. vñ must Christus auch ein ketzer sein  
dero das brot außteylt / vñ spricht. Das ist mein leip.

Die Pariser vrteyln dich nit nach der heyligē schrieffte  
Darumb forcht dich nit / sie vrteylen die leer Christi nach  
irem Aristotele vnd andern heyden / vnd nach yren par  
uis logicalibus. Sie verachten heilige schrift. Drum  
veracht sie got wieder vmb / sagende. Weysheit der welt  
ist bei got eytel torheit. Las dich nit kumern das sie the  
ologen sein wollen / sie tragen den glantz vñnd schein / der  
warheit seind sie fremd. Du sprichst ir ist vil vnd ewer  
wenig. Ob wir wenig seind / vñ vnserer seinde hauffē  
groß ist. Kumer dich nit. Got kriget vñ schafft seinē wil  
len mit wenig. Judi. vii. ii para. viii. Der groß hauff  
kan yren. Exodi xviii. Es konden die oberste des  
volcks irrē. Leui. iiii. Nu. xii. Es kan dz volck irrē Le. 4.  
Nu. xv. Wir konden auch irren. wan wir nit ym weeg  
vnd warheit bleiben / das ist / in gottlicher schrift.

Welcher in der schrift steht / der magt nit irrē vnd fehen.  
Welcher wanckelt vñ struchelt zu dē seitē der irret.

vi. Sih wie es der natur mūglich ist / das sie ein ding  
macht / aus der rosen vnd irer farb / vnd seind doch zwu  
naturen. Dan farb der rose / ist ein sonderlich ding / vñ  
das wesen der rosen auch ein eigen ding. Also ist's got  
nicht minder mūglich / das er mit einem wortlein / zwu  
substanz / ein ding macht / vñnd lesset yedem seine eygen  
wesen bleiben. Nemlich das brot macht got / durchs  
wort / den leip Christi / vnd den wein das blut Christi.  
Also das aus dem brot vñ fleisch Christi ein ding wirt.

Die von Paris müssen dannoch bekennen / das die farb  
vnd substanz zwu naturen seind / vñnd sagen / die rosen  
ist rot vnd also ein ding geworden. Demnach sag ich  
auch Brot vñ fleisch seind zwu naturen. Idoch ist ge

Phil  
Rosen

segnet Brot/ der leib Christi. Dan natürlich Brot/ ist himelisch Brot/ Das vnlebendig Brot ist lebendig Brot/ vnd des Beckers Brot ist/ gotis Brot. Drumb thut man auch dem sacrament eere/ das die zeichen/ mit Christi leib vñ Blut ein ding geworden sein/ als ich im Buchlein von anbettung der zeichē des newē testamēts geschribē hab.

vii. Von dieser macterien het ich eigendlich zevil geschwartz/ wan die Christē Christliche wort brauchten/ vnd redten wie das Ewangeliū. Die weil aber des Trewssfels vorlauffer nicht allein verkerte leer/ sonder auch verkerte wort mit trewhen vns ein gepleut hat/ hab ich etlichen Francken wollen wilfaren/ vnd mein nit verschont das ich horen muß. Ich hab zevil wort vergossen.

Volgende soll ich schreiben/ was die zwi creaturen. Brot vnd Wein in der Messe thuend. Was zeichen in gemein vnd in sonderheit bedewten. Wie man wein vnd Brot gebrauchen vnd nyessen sal/ ouch ab von noten sey/ das ein Christ/ soliche zeichē essen oder drinckē muß/ so ehr wolt selig werden.

viii. Von natürlichē zeichē magk ich nit vil redē/ als das der rauch ein zeichen ist des fowers/ wie mann sagt/ Wu der rauch auff geet/ dz fower gern nachvolget/ wil mich auch enthalten von künstlichen zeichen zu schreibē. welche die vernunfft erfunden vnd auffgericht hat/ als das ein gruner busch Bir/ ein kranz wein bedewt/ vnd der gleichen das oder genes bedewten. sonder allein von zeichen der schriffte sagen/ so gottlichen zusagung oder verheischung angehefft seind.

ix. Es ist nit bos/ das die vetter zeiten zeichē gebetē haben/ das die historien von Abraham. Gene. xv. Gedeon Manue. Judi. vi. et viii. vnd der gleichen beweise.

So auch ymad wehr/ der sich nit wolt lassen leren/ aus geschichten oder gescheen dingen/ der leesß Esayam vnd merck das got zu Achaz spricht. Bitt dir von deinem hern vnd got ein zeichen/ in der riss oder in der hoh/ vnd do Achaz antwort. Ich werde nit bitten/ vnd gott nit

versuchen. saget die schrift. Ists zwenig gewest/ das  
ir die leuth beletigt. wan ir got nit ouch beletigen mogt  
Esai. vii. Ahas was nit demutig oder gotforchtig do  
er kein zeichen von got wolt bitten/ sonder er war hart  
nackig/ stolz vnd vngehorsam/ teth got keinen gefallen/  
vnd erzorneten. Drumb spricht die schrift. Wer es  
nit genug gewest/ das yhr de Propheten nit geglawbet  
wolt ir vber das got auch nit glawben yme arbeit vnd  
muh machen/ das yhr auff sein geheys keine zeichen fo  
dern wolt/ Aham war hoffartig vn sprach. Ich werd  
kein zeichen bittē. Er fuest auch nit. sonder er ging furt.  
vnd wolt solichs bitten der zeichen/ fur gottis versuch  
ung regnen. Nun weil die schrift klerlich saget/ das Ach  
as durch solich abschlagē/ got zu werdris bewegt hat/  
ist nit zu glawben oder achten das annutung vnd bit  
tung der zeichen verboten vnd zu meiden sey.

Es hat auch gott seinen glawbigen bevolhen/ das sie  
warhafftige vnd vnwarhafftige Propheten bey zeichen  
sollen erkennen. Deutro. xviii. Ich kan auch nit mer  
cken das Zacharie seyn stum vnd sprach der halben genu  
men sey. Das er eyn zeichen der engelische botschafft vn  
gottlicher zusag begert hatt. Luce. i. dan der text saget/  
Drumb dastu nit geglawbt hast wirstu stillschweigē  
werden/ bis ann den tag do gottliche verheyschung vol  
bracht wird. Daraus volget das zeichen seint/ der Bi  
blien. Item das sie billich gebetten vn begert sein/ vn  
ist offenbarlich/ das gott seine wort vnd Propheten mit  
nachvolgende vnd vorgeende zeichen erklet vnd gewa  
pent hat. Ich mogt dieses artickels woll geschwi  
gen haben/ so suchen vnser neyder alle locher vnd gru  
ben dar aus sie klappern mogen. Derhalben hab ich yne  
das loch auch verstoffte/ vnd wirt volgende licht wer  
den/ das zeichen der schrift nicht zu verachten seind/  
die auch gott offtmals vnangelt geben hatt.

x. Was aber zeichen in gemein bedewten ist gut zu lernen aus dieser schrift/ so wir Gene. ix. lesen/ do geschriben steht. Got spricht. Ich werde ein verbündnis oder geding mit dir setzen. Das hinfuro nit alle menschen sollen mit der sindflus verderbē. Das ist ein ewangelische satzung/ das ist/ die gute vñ trostliche botschafft welche got verkündiget hat. ¶ Dieser vorheischung hat got ouch ein zeichen geben. Im text volget also. Vnd got saget. Das ist das zeichen/ dieser satzung vnd zusag das ich geb zwuschen dir vnd mir. Meinen bogen wil ich in die gewolcken stellen/ vnd soll ein zeichen sein zwuschen mir vñnd dem erdtrich. So offt ich den lufft mit gewolcken vbertzihe. wirt mein bogen erscheinen yn gewolcken. vnd ich werd meiner zusag gedencken/ vñ werden nicht mer wasser sein der sindflus/ zu erwurgen alles fleisch das lebet. Sih mein regen bog wird in gewolcken scheinen vnd ich werd yhn ansehen/ vñnd werd der ewige verheischung gedencken.

Sih alda habē wir erstlich/ das Ewangeliū ist das die froliche zusag. Nemlich dieser meinūg. Ich verheisch euch/ das ich die gantz erden nit wil mit wassern vertylgen/ hinfuro wil ich nymer mehr/ alles lebendig mit wasser erwurgen. Das ist die satzung vnd zusag/ nach der selben gab got/ aus gnaden/ ein zeichen. das zwuschen got vnd den mēschen solt mitteln. also/ das der regē bog das selbe zeichen sein solt. welches er in die gewolcken setzen wolt. vnd solt ein zeichen gottlicher zusag oder verbündnis sein. Nicht der meynung das seine zusag so schwach vñ gering ist. wie mēschlich briffelin/ den man vil zeichen zu merer sicherheit vñnd vmb großer vrtund andruckt. nein nicht also/ dan gottis zusag ist ya ya vnd wirt volfurt ap sie gleich nimer zeichē hett. Aber weil wir gebrechlich sind/ vnd steht alle gefelickheit in vnserer argwenickheit vnd unglawblichkeit/ drum hat got/ seine satzung vñnd zusag frey außgesagt/ vnd zeichen geben/ die vns drücken vñ versichern solten.

Derwegen

Der wegen spricht got/ so offt ich gewulcken in der lufft  
mach/ so offt ich euch mit etwas erschreck/ so offt euch  
eure sünde auffrauchen vñ vbersichsteigen. Oder so offt  
ir mit leiden vberdrenget werd/ daraus ir in zweiffel fal-  
len mogt/ so wird mein zeichen/ in der selbē vberdren-  
gung erscheinen/ vnd werd ich meiner zusag gedencken.

Ich hoff/ durch gewulckē (in berurtem. c. Gen. ix.) bil-  
lich vngluck/ betrubnis/ sund/ vnd allerlei bedregnus mo-  
gen verstanden verdē. Dan ich hoff yedermeniglich muß  
Bekennen/ das got erstlich gelobt hab/ er wol die welt nit  
mer mit sindflus vertielgē/ vñ das gewulckē/ zukunfftig  
wasser bederwen.

Vnd vberzogen lufft oder voller  
gewulcken/ ein zeichen sey zukunfftiger sindflus/ dar aus  
sonder zweiffel angst vnd sorg auffstehet. Das gott sei-  
ner verheischung vergessen hab. Das merck also wan  
ich dir frid zusagt/ vnd magt ein groß gereusch vnd ge-  
rumpel mit messern vnd bűchssen/ so mogstu balt achten  
das ich meiner red vergessen hett/ vnd wolte dich gefern.

So ist auch mit vns armē menschē/ dan ob wir gleich  
halten/ das gott gerecht/ warhafftig/ vñ mechtig ist/ sei-  
ne reed vnd vertroftung zu volbringen. Dannest wan  
er ein wetter lesser auffgeen/ das vns ein forcht vñ schew  
ein tregt/ gedencken wir/ ya got magt seine wort wol hal-  
ten. aber er wil vns ader mir nit halten. Drum b das ich  
seines trost vnwirdig bin. Sih gedenck auff erden wie  
du wilt/ spricht got/ laß mich plitzen/ donnern/ stein reg-  
nen/ vnd berg vmb sturzen. Dannest wil ich dich nicht  
verlassen wan du meiner zusag menlich glawbest.

Drumb hab ich mein zeichen geben/ das dir gleich  
einscheinen soll in den gewulcken/ das ist/ in forcht vnd  
angst/ in widerwertigē dingen. Also teilt sich das meer  
vnd gab den Juden weeg vnd statt/ den einfallendē fein-  
den zu endgeen. Also spricht gott. Wan ich den lufft  
mit gewulcken vberzogen/ vnd den hymel schwarz ge-  
macht/ vnd versamel alle Planeten die sindflus geben.  
Vnd stelle mich gleich als wolt ich vbermals das ganz

erdrich mit wasser vberfallen vnd verwusten/ solt ir nit  
im glawben wanckeln/ dan mein zeichen/ soll in den sel-  
ben troulichen vnd erschrecklichen dingen erscheinen.  
Da bey solt ir mercken/ das ich meiner zusag nit verge-  
ssen hab. das ist. Ich wil das mit der tate war machen/  
das ich mit Worten geredt hab.

Also ist der regenbog ein zeichen der zusag vñ verbunt-  
nis/ nicht das die zusag nit an yr selber voll vñnd starck  
sey/ sonder/ das bedeut der bog/ das got seiner wort vnd  
verheischung nit hat vergessen.

xi. Dar aus volget was zeichē wircken vnd bedeutē.

Erstlich das sie kein heiligkeit in den wircken/ die sie  
ouch geburlich brauchen. Nemlich der regē bog/ im wol-  
cken geseen/ macht keinē mensche heilig/ gibt weder frum-  
keit noch gerechtikeit.

Fur das ander/ das zeichen  
drumb zeichen der verheischung heissen/ das sie vns er-  
ynnern gottlicher eere vnd redikeit. Das ist/ das got sei-  
ner wort vñ verbuntnis nit hat vergessen.

Fur das  
Drit wissent/ wie ein grewliche grosse sund das ist/ wan ei-  
ner an gottlicher zusag zweiffelt/ so ehr das zeichen syht  
oder sunst gebraucht. Dan durch vnglawbē/ sprichstu  
im hertzen/ got ist vnredlich/ er helt seine wort nit. Was  
kanstu got grosser schmach/ schympff/ spott/ vnd schand  
Beweissen dan wan du gedēckst/ das got/ ein vnwarhaff-  
tiger got ist.

Got siht das hertz gleich vnd besser/ dan  
wir der menschen reed horen. Nun rechne doch/ wan  
du einen teweren man fur ein lugner vnd vnredlichē oder  
glawbbrüchtigē man achtest/ vñ nenst ynē. lugner. was  
du ym bitterßer vñ verdriflicher Beweissen mogst? Son-  
derlich wan der man weder gelt noch gut acht/ vñ nicht  
anders von dir begert/ dan dastu ym glawben wellest?

Got darff vnser werck nit/ vnd ist im ahn keinē dienst  
gelegen/ dan allein/ dastu seinem wort glawbest. Dar-  
vmb helt es got da fur/ wan im einer nit glaubt/ als hett  
er im sein gottliche eere verkurtzt vnd ab geschnidē.

Das ist/ das got spricht zu Moïsen. Wie lang bricht

mir das wolck ab? Wielang schneyden sie mein eere ab?  
(vnd volgt vom glawben) Wielang glawbt mir das  
volck nicht? Sih do den vnglawben/der gottis wort  
nit glawbt. Hoer was von den zeichen folgt. Wie  
lang glawbē sie mir nit. yn allen zeichē die ich vor ynenn  
gethan hab? Drumb wil ich sie mit Pestelentz schla-  
hen/vnd sie alle erwurgen. So vber zwentzigk iar seind.  
Nume. viiii. Was wiltu meer haben zu mercken/das  
du gott seyn lob vnd eere berebst/so du noch vnglawbig  
bleibst in seinem wort vnd in seinen zeichen.

Zieher mocht ich fügen/das .i. Joann. vltim. steht.  
Welcher yhm nicht glawbt/der macht ynen zu eynem  
lügner. Laß dir das gesagt sein wie vil am glawben ge-  
legen ist/vnd das gott drumb zeichen thutt. das wir sei-  
nen worten glawben sollen. Vnd das wir gott seyn eere  
vnd redlickeit verlexomen/so wir yhm nicht glawben/  
Dar ab mercke wie zeichen/zeychen seind der verheisch-  
nung vñ zusag. Schreibe das ann deine thur pforten  
vnd betracht es eben/so du das hochwirdig Sacramēt  
nehmen wilt.

Zum vierthen volget/das die zeichen aller meinster  
zu brauchen sein/wan dich forcht vnd vnd angst oder  
sorg bedrengt/dastu forchst/gott wol seyner zusag rei-  
ssen. Derhalben spricht gott. So ich gewulcken in  
der lufft werd machen/wird mein bog/meinn zeichen/  
auch erscheinē/auff dastu weist/das ich meiner verbunt-  
nis gedencē/vnd dastu nicht gewissers solst haben. Dan  
das ich meine wort mit der tatt wil halten vnd volfuren.

Demnach woll menyglicher/die zwei zeichen der  
Messe/das ist/brot vnd wein anher fügen vnd aus yzt  
gesagten reden/erlernen/das er brot vnd wein genissen  
soll.

So oft yhm sünde/sein gewissen betrüben  
vnd der Tewffel sunste verzweyfflung/ann gottlich er  
zusag einbildet. Oder so oft yhm ein zweyffell einfeld  
ob eht zu dem ewigen leben wider auffstehen werd/sol  
er broth vnd wein gebrawchen.

vnd durch empfangung solicher zeichen / gewislich habē  
ya nicht gewissers haben / dan das im got / das ewig le-  
ben / vnd vergebung der sunden verheischen hab / vñ ge-  
ben werd . Zum funfften ist zu mercken / das vns zei-  
chen nit gerecht oder frum machen / sonder allein gewis-  
liche sicherheit geben vnd eingeben . Das erste ist klar  
durchs wort Christi / dero spricht . Das kein ewsserlich  
ding / den menschen boes oder unrein mach / sonder das  
aus dē hertze des mēschē geht / das ist / dz dē mēschē befle-  
ckt . Matth . xv . Nu wie Christus von der befleckung des  
mēschē gesagt hat / also spricht er heimlich / mit dē selbē  
wortē . Das kein eusserliche ding dē mensche frum / ge-  
recht / oder heilig machē kan . Das auch S . Per . i . c . iii . Be-  
weist sagēde . Kein eusserlich ding macht dē mēschē acht-  
bar vñ kostlich in dē ougē gotis / soder allein der rein geist .  
der im hertze woneht / der ist vor got / ein tewer vñ wolge-  
schatzt ding . Das ist dz Joel spricht . Ir solt ewre hertze  
zu schneiden oder zerteilen / nit ewre kleider . Joel ii . dar-  
zu laudet O see am . vi . offentlich vnd spricht . Barmher-  
zikeit beger ich nit opffer . Vnd David . Du hast keinen  
lust in opffern / ein rewhig vñ bedrengt hertz behagt gott  
Psal . i . Kurtzlich Paulus leret . Das die beschneidung  
des fleisch nicht ist . Das auch Abraham nit gerecht wor-  
dē ist durch fleischliche beschneidung . sonder das Abraham  
vor gerecht gewest ist / eher er beschnidē ward . Drumb  
hat er eusserliche beschneidung allein genommen zu einem  
zeichen vñ sigell der gerechtikeit die er gehabt hat / als er  
noch vnbeschniden war / vñnd nicht der massen das er  
durch beschneidung gerecht ward . Roma . iiii . Dastu  
kurtz in disen grund trestest / so merck . das das sichtbarlich  
fleisch Christi keinen heilig / gerecht / vnd frum macht .  
Das Christus selber leret / sprechend . Caro nichil pro-  
dest . Ioan . vi . Das fleisch ist nicht nutz / sonder der geist  
Nun kan nymand leuckē / das Christus vber alle cre-  
aturen erhocht ist . Vñnd ist doch nicht nutz so er allein  
ewsserlich gebraucht wird . Wie mogt dan ein creatur

oder zeichen dich gerecht vnd heilig machen? Drum  
wisse vnd verstehe/ das zeichen/ den alten Adam nider  
drucken. Engsten/ vñ dempffen seinen vnglawben/ vñ  
brechen den zweiffel/ vnd machen sicherheit in der pro  
mission welcher du vorgeglawbt hast/ als gesagt in diser  
erklärung/ vñ obē/ das sie gewisse sicherheit geberē. Dar  
aus auch nutz vñ gedeihen der zeichen in gemein angezei  
git ist/ welcher aus den zeichen vns wider feert.

Zu dem sechste. Also wil ich sehr wol glawben/ das  
zeichen/ Sigiln/ mogen genent werdē/ nit das sie wort/  
so voller werheit/ ya die warheit selber seind/ mogten fre  
ffziger vnd grossers glawbens machē. Sonder vnserm  
vnglawben zu neid vnd haß/ gibt vns got seine zeichen

War ist's/ das auch von wegen des vnglawbens/ so  
der hat/ dem etwas gerett wirt/ die zusag verbriefft vnd  
versigilt wird/ aber erfahrung lernet vns/ das wir briff vñ  
sigel woll bedorffen/ auch der menschen halben/ die vns  
was gereden. Das got fern ist. Die menschen halten  
nit glawben wie got. ya zeiten leuckē sie ire wort/ briff/  
vnd sigel. Der halben hab ich disse leutterung geben das  
ich zichen mit vnder scheid sigell nenn / damit ich nye  
mand zu irren vrsach geb. Also hat Moises sein testa  
ment mit blut besprengt vnd beschlossen. Exo. xxiiii.

Also hat got zeichen geben/ zu seinen zusagunghen/  
vnd nent sie ouch zeichen seiner verbuntnis vñ sarzung.

Zu dem sibenden solt ich wol sagen wie brot vñ wein  
zeichen seind der beeden zusagung Christi/ so verschutt  
ich verfaeste ordenung/ idoch schadet es nicht/ wann ich  
ouch alhie schreib/ das gebenedeihet brot vnd wein/ nit  
zeichen seind/ des leibs vnd bluts Christi/ seind auch nit  
zeichen/ des verschwundten brots vñ weins/ wie die  
ketzer von Paris sagen/ vnd andere heucheler des ketzeri  
schen Papst zu Rom sprechen. Sie seind zeichen got  
licher zusagunghen welche sie zugebē seind. Vrsach/ got  
spricht. Der regen bog ist ein zeichen meiner zusag.

Gene. ix. ¶ Gleich wie der regen bog ein zeichē ist seiner

zusag/ vnd das Blut der xii. Kelber/ damit Moyses sein  
alt testament vnd das volck besprenget/ was ein zeichen  
der verbundnis seiner wort. ¶ Also ist der kelch  
ein zeichen des neuen testaments in dem Blut Christi/  
vnd das Brot ein zeichen dieser wort. Mein Leib wird  
für euch gegeben.

xii Nun sollich ferner durch andere schriften anzei-  
gen/ was allen zeichen gemein ist. Auß ob gehandelten  
schriften volget offentlich/ das alle zeichen in gemein  
das in sich haltenn/ das sie zeichenn seind göttlicher ver-  
heischunghen vnd Worten/ wie ich das oben im .v. arti-  
ckell erkläert hab.

Für das ander volget/ das alle zeichen/ das gemein-  
lich haben/ das sie vns sicher machē / vñ zu vñ bringē/  
das gott seiner zusag nit will vergessen/ vñnd das er one  
zweiffel halten wil/ das er geredt vnd verheischen hat.

Nim ein exempel von Abrahe. Gene. xv. Got ver-  
hiesch Abrahe das erdt rich der heiden. Darauff saget Ab-  
raham. Herz in welchem ding magt ich wissen/ das  
ich die erden besitzen werd? Antwort got. Nym ein  
dry ierig Kuh/ ein try ierig Zigen/ ein try ierigē Wider/  
ein Turfell tawben/ vñ ein Haus tawben. 2c. Das vyh  
gab got Abraham zu einem zeichen/ dar in er lernē solt/  
das er gewiß der heiden land besitzen wurd. Daraus  
abermals volget/ wie Abraham durch ein zeichē lernet/  
das gott seine verheischung wolt volbringen/ yme das  
verheischen land Chanaan/ als ein pilgerem odder walh-  
fart statt geben wolt. Gene. xvii.

xiii. Wollen wir auch ein exempel aus dem gesetz nhe-  
men? Gott verhiesch den Jüden im alten gesetz/ das ehr  
ynen yre sünde wolt vergeben/ so der prister für sie bitten  
wurd. Doch solten sie ein Thir opffern/ dar auff ire hen-  
de/ oder hand legē/ wan sie verggebung irer sündē begertē.  
Leui. iiii. Daraus diser mißbrauch ist entsprossen/ das  
vnser epfaffen ire hende auff der beichtkinder hewpt legē  
vnd solten doch die yene/ so beichten/ ire hende auff sich

oder ire selber legen / die sie zu der beicht furten. Das ich  
yzo laß faren. vnd sag das. Durch solche zeichē wurde  
die beichter gewis / das inen got ire sunde vergebē wold.  
xiii. Aus dem Propheten Esaias (ym xxxviii. c. das  
auch. iiii. Reg. xx. geschriben stehet) leren wir / das gott  
dem Konig Ezechias dero todlich krank lag. diße zu-  
sag versprach. Ich werde zu deinen tagen. xv. iar  
werffen / vñ dich vñ der macht des Konigs Assirien ver-  
huten / vñ dein statt bewarē. Das ist die gottliche reed  
vñ verheischung. Nun volget das zeichen / welches  
gott selber / geben hatt. Also. Das wird dein zeichen  
sein von dem hern / das gott sein wort volbringen wil /  
welches er geredt hatt. Ich wil machen das der scha-  
ten x. linien zu ruck geen soll. Das ist / so vil schattens  
in x. stunden gewachsen ist / so vil soll zeruck geen.  
¶ Ein linien bedeut eine stund. x. linien bedeuten x. stun-  
den schattens. ¶ Ich hab bawren geseen / die in iren  
hewßern den schatten merckten / vnd zeiten die stunden  
noch dem schatten. Das zeichen / des hindertretens  
des schattens gab gott Ezechiae / dar aus Ezechias ge-  
wislich solt lernen vnd wissen / das er noch. xv. iar leben  
wurd. Aus solichē zeichē merckstu / wie zeichē den zu-  
sagūghen bey gegeben seind. vñ das sie keinē menschē frum  
gerecht / oder selig machē. Ich frag / wie magt mich ein  
schatt selig vñ frum schaffē? Es ka ie keiner mit warheit  
sagē / das die drei verig / kuh / zigen / vñ wider / Abraham  
frum gemacht habē. Dz muß ich hier pitirn vñ vernawē  
auff dz keiner abt gotter auß zeichē mach / wie die Jüden  
aus der schlangē machtē / die Moses fur ein zeichē in der  
wustūg auffrichtet. iiii. Reg. xviii. Vñ ist zu forchtē / dz  
vnser vermeinte Christē / ire feuste vñ fües an dē zeichen  
verbrēnē / vñ were vil leicht schirnutzer / sie hettē kein zeichē  
wie hir vñ dē geschribē wirt. Merckē doch gutter  
freund wie dich vil / schatt / vñ andere eusserliche ding se-  
lig kondē machē / sonderlich die weil got der wegen seine  
zeichen nit auff gericht vnd ein gestalt hatt.

Seligkeit ist kein frucht der zeichenn. Sie ist ein frucht des glawbens. Nach dem Christus spricht/ dein glawb hat dich selig gemacht. Welcher glawbt der wirt nit verdampe

Hinderganck des schattens/ macht den Konig Ezechiam sicher vnd gewiß/ das er xv. iare lenger leben solt/ vnd dempffet also den vnglawben vnd zweiffell/ wie och von dem regenbogen gesagt ist.

xii. Ich solt auch das zeichen Gedeonis/ fur ein exempel/ her legen/ das ein schepper wollen was/ vnd sagen Wie gedeon ein zeichen vō got fodert/ dadurch er gewißlich versteen kont/ das got durch seine hende/ die Jüden/ von iren feinden/ erlosen wolt/ vnd erkleren/ das solichs zeichen/ ein zeichē gotlicher zusag/ oder des Ewangelii gewesen/ so hab ich vil von dem regen bogen geredt/ vnd ist gedachts exempel gemein worden/ der wegen laß ichs faren.

xiii. Wie wol Christus nit gesagt hat/ mit klarē worten das brot vñ wein zeichen seint/ dan noch leuchlet ny mā dz sie zeichē seind. Aber in disē steet ein zweifel was sie bedewtē/ derhalbē wil och von ynē in gemein sagē/ das sie zeichen seind irer verheischunghen. Brot ist ein zeichen dieser zusag. Mein leib wird fur euch gegeben.

Wein ist ein zeichē dieser wort. Mein blut des newe testaments wird fur euch vergossen/ oder das fur vil vergossen wirt zu vergebung aller sunden. Matth. xxvi.

Marci. viii. Disen beide verheischunghē hat Christus auch zwei zeichē gebē/ gleich wie dē andern zusagungen ire zeichen angehefft seind. Sie haben auch in gemein kein ander dewtnis/ dan das sie ire gebrucher gewiß vñ sicher machen/ das got seiner reed vnd verheischung nitt hab vergessen. Drum spricht Paulus. i. Corin. xi. von Christo das er gesagt hat. Ir solt das thun in meinē gedechtnis. Das ist so oft ir diser zwei zeichē gebrucht wan ir das brot wolt essen/ vnd den wein drincken/ solt ir meiner indechtig sein. Wie kan aber einer Christi selig  
klicher

kllicher gedenccken / dan wan er der Christlichē zusagung  
hen mit hertzen gedencckt. Christus spricht. Welcher  
mich siht / vnd glawbt meinē worten der wird selig.

Joan. vi. Es ist vngnug / das einer Christū siht / wan  
er seinen worten nit glawbt. Die Juden / Heyden vnd  
galgenritter haben Jesum gesen / vnd seind doch verdor  
ben. Es haben ouch Corozaym vnnnd Bethsaida den  
hern gesehen vñ gehört / vñ seind verdambt. Matth. xi.

Drumb hilfft dichs nit / das du des hern Jesu gedēckest  
wan du sein brot yssst / vnd seinen kelch drinckest. Du  
mußt in glawben. Nun kanstu nūmand glawben gebē  
du glawbest dan seinen worten. Vrsach / der glawb ist  
aus den worten. Ro. x. Der halben volgt / das keiner  
des hern recht gedencckē kan / eher er seinē wortē glawbet.

Nun wil Christus habē / das wir seiner indechtig sol  
len sein ( wie Paulus leret ) der wegen kondē wir sein brot  
nit nutzlich essen / oder seinen kelch fruchtbarlich drinckē  
wir gedenccken dan der wort des hern. Welcher wortē

Beyder zusagunghen. Also müssen wir durch brot  
vñ wein genessen / vestiglich halten / vnd fur gewiß wiss  
sen / das Christus in vns wircken wil / die frucht seines  
tods vnd seins vergossen bluts. Drumb saget Paulus.

So offte wir des hern brot essen / vnd seinen kelch drin  
cken / sollen wir den tod des herren verkundigen. 1 Co. xi.

Den tod des hern magt keiner wol verkundigē / er ver  
kundigien dan in seinē glawben vnd merck in seinē geist.  
das er glawb / das der her / fur yen auch gestorben ist / vñ  
zweiffel nicht / das ihn got werde auffwecken / vnd daß  
ym seine sünde vergeben seind.

xiii. Sih / in gemein / bedeuten zeichen / der zusagung  
hen / das got den sōnen seiner vorheischung gewislich  
das halten / vnd auffrichten wil / das er aus gnaden ges  
redt hatt. Wie oben gesagt. Das ist auch der zeichen  
frucht / das sie den zweiffel dempffen / vnd sicherheit ge  
berē. Also zeumen wir dē wider spenigen Adam / vñ  
werffen dem fleisch ein gepiß vnd baum ins maul.

D i

Also / das der geist gewiß ist / das im / göttliche zusag  
zugehort vnd gesagt ist / vñ das im gott das geben wil /  
vnd wurt / das er verheischen hat. Gleich so gewiß als  
er genediglich verlihē hat / das du sein zeichen gebraucht  
hast / so gewiß hastu des hern zusag.

xv. Nach diesem ist von sonderlichem bedewtnus bei  
der zeichē des newe testaments zu reden / vnd ist da bey  
von anderen zeichen auch zusagen / do mit vnser handel  
dester leichter vnd vernemlicher werd. Alhie wil ich  
mit schweigen / das ettliche die zeichen heiliger schrift  
trüzlich auß legen / vnd seind nit genugig an außslag der  
schrift / sonder machen new erklerung. Ich wil aber  
mein gewissen bewaren. Dan ich weiß das mir nit zi  
met etwas zu der schrift zesezen. So ist auch soliche  
kecke außlegung / nit vast loblich / vñnd gibt vrsach der  
leichtfertigkeit / das wol zu mercken ist bey der allegorien  
des buchs / das man Gestaromanorū nennet. So schleu  
ßet auch keinn figurliche außlegung / sie wer dann in der  
Biblien begriffen / vnd als dan beschleußet sie nit / als fi  
gurlich erklerung / sonder als geschribener text. Wir soltē  
auch soliche arbet besser anlegen / dan wir haben on das /  
sonste mit der Biblien genung zetun / vñ ist vnnottlich /  
das wir vns mit froimbden expositionē bekumern / vñ die  
zeit verliren. Sonderlich / weil vns nit erlawbt ist /  
etwas zu göttlichen worten anzusetzen / aber douō zenhe  
mē. Deu. iiii. Apo. vlti. Vñ das wir / mit solicher forcht  
vñ ererbittung die schrift sollen handeln / vñ außlegē / als  
wan wir den leib Christi handeln wolten / vñ den selben  
leib einē menschen in mund legen. Angesehen / das der  
heilig geist sein wort durch die Prophetē selber gerett hat.  
Lu. i. Heb. i. In behertzüg / dz wir nit sollē betrachtē / was  
wir redē wollē in den artickeln des glaubens. In betra  
chtung. Das yde schrift gemeinlich ir eigē licht hat / da  
durch sie kan erleucht werdē. Vnd das wir kein dunckell  
reed gotis kondē erleuchtē / so wir den wortē Christi nit  
stracks nach volgen. Nach dem geschriben steht.

Welcher mir nit volgt dergeht im finsternis. Joan.  
Mir behagen zweyer Juden reedē vber aus wol/welche  
sollē gesagt habē. Einer also. Welcher hat mir macht  
gebē/ gottis wort anders außgelegt dan wir es geschriben  
haben? Der ander also. Mainstu/ gott sey nit so klug/  
das er so vil kont gesagt habē/ als du/ wan es ome gelibt  
hett? Das sage ich wider die yene/ so aus durstigeit  
gotliche schrift aus legē/ kruempfen/ vñ zihen. Das  
ich ierzo las bleiben/ doch sag ich/ das sie erger seind/ dan  
Juden. Heilige schrift erkleret vil zeichen/ vñ außser  
lich ding/ als nemlich. Was die beschneidung. Was  
der Tabernackell bedewt/ was die ru stein bedewten. wel  
che Josue gelegt hat Josue 4. Nun kumen wir/ vnd spre  
chen/ das die selbe ru steine/ vnser ru Aposteln bedewtē.  
Vnd singen vnd plerren/ das in tempeln. Aber wan vns  
einer fragen wurd. Wu steht disse erklerung in der schri  
fft? mochtē wir keine stell zeigen. Derhalben wurdē wir.  
als beysetzer billiglich gestrafft. Dan Moises hatt allen  
zusatz verboten. Sih also kumpt es ouch/ das soliche  
schreiber/ die leser in iren buchern/ vñ bey sich haltē/ die  
sie doch/ von sich/ vnd von iren buchern/ in die Biblien  
fūren solten. Die Aposteln haben/ nit vergeblich/ we  
nig geschriben. Ich wil auch nit weider geschriben  
habē/ oder hinfuro schreiben/ dan das ich die leser meiner  
buchlein von mir in die schrift breng/ auff das sie mich  
frey vrteyln durch die schrift/ sollen mir auch nicht wei  
ders glawben/ dan sie in der schrift grundes vernhemē.  
Nun von dē zeichen brot sag ich/ das sein sonderlich **Brot**  
bedutnis aus seiner eigē zusag vnd sonderlichē wort soll  
verstanden werden. Dan gottliche wort erklerē gottli  
che zeichē. Gleich wie der mēschen reed dich verstēdis  
gen/ was zeichē bedewtē/ so sie auffgericht habē. Also  
lernē wir aus verheischung gottis/ was das zeichen be  
deut/ welches in der selbē verheischung ist gegeben. Ex  
emplū/ aus diser zusag. Ge. ix. Ich wil hinfuro alle lewt  
vnd lebendig fleisch nit mer mit der sindfluß erdotten.

D u

vorsteen ich / das der regen bog von welchem oben vil ge-  
sagt / in sonderheit / bederwt / das wir sicher sein / das gott  
diffe welt / nit mehr / mit wasser vertilgen wurd. ¶ Ich  
darff nit dencken / das mir der regen bog anzeig / das der  
samen Abrahe / so groß vnd vil soll werden / als der stern  
am hiemel / vñ sand kornlin ym meer seind / oder das vn-  
zelich menschen selig werden. Ich kan auch nit aus  
dem regen bogen ab nhemen / das Gedeon Israhel vom  
reich vnd gewalt der Madianiter erlosen solt Judi. vi.

War ist's / got mogt auch seine zeichē anders eingesetzt  
haben / vnd Gedeon den regen bogē / vnd Noe den schep-  
per wollen gegeben haben. Aber got hat alle ding nach  
seinem wolgefallen eingesetzt. ¶ Wie got alle creatur  
geschafft hat nach seinen willen / vñ wir durffen kein vn-  
ordelicheit furnemen / oder se anders halten / dan wie sie  
got eingefurt hat. Also dorffen wir die zeichen auch nit  
vermengē / oder anders ordenē / dan sie got eingesetzt hat.

Demnach darff ich nit dencken / das ich bey dem regen  
bogen versteen wil / das die Jüden sicherheit der verge-  
bung irer sünden erlangt haben / dan gott hett sonder-  
liche zeichen geben den zusagunghen / so vergebung der  
sünden verheischen. Leui. iiii. Abraham vnd seine  
kinder mogen auch nit bey dem regenbogen wissen / das  
sie diffe erdē. nicht als ein vater land oder als ein bleibliche  
statt solten besitzē / sonder dar ynnen leben / wie die bett-  
ler in pilgerschafft. vnd walfart geen. Das Gene. xvii. ge-  
schribē steht. Ich werde dir das erdrich / zu einer erdē  
deiner pilgerschafft gebē / das auch Ge. xxvi. vñ Exo. vi.  
vñ i. Paral. vlti. vñ in dē Psal. vñ Heb. xi. zu mercken ist.  
Ic auß dē regēbogē kond keiner versteen / das im sein wun-  
dē gesund wordē (die im die schlangē in der wüstung ge-  
bissen hettē) wan er dē regēbogē ansah. Dan dazu was  
die schlang auffgericht. Num. xxi. vñ nit der regēbog.

Also furt vnd wider vmb / bederwt die schlangen nit /  
das der regenbog in sonderheit bederwt. Wir sollen  
auch die zeichen nit nach vnsern willen lassen zeigen vñ

bedeutet/sonder nach dem göttlichem gefallen.

Sonste machen wir alle ding ungewiß/ vnd aus göttlichem zeichen/ menschlich ding/ aus warhafftigen zeichen/ betriglich ding. Dem nach konden wir Christē durch den regen bog in sicherheit nit kumē/ das vns got den schedelichen tod/ vnschedlich/ den bitteren/ suess gemacht hat/ vnd auffersteung des fleisch zu ewigen leben geben wil vnd wird. Dan der bog in gewulcken/ ist nit der halb geschaffenn/ sonder das brot in der Messe/ das hat vns Christus zu einem zeichen geben.

xvi. Wie ich von den zeichen des altē testaments vñ der veteren gesagt hab/ also muß ich sagen vñ beiden zeichen das neuen testaments oder der Messe. Nemlich weil der selbe zwey seind/ müssen sie/ von noten/ zweyerlei bedewtnis haben/ vnd eines anders dan das ander bedewtē. Sonste werē sie nit beständige vñ gewisse zeichē.

Wir wurden auch durch ire verkerung/ in kein sicherheit kumen. Das brot bedeutet etwas in sonderheit/ welches der kelch aber wein nit bedeut. Wider vmb hat der wein oder kelch auch sein eigen vnd sonderlich bedewtung. Du solst auch solche sonderliche bedeutunghen nit verkeren/ oder ein zeichen vnd bedewtnis aus beiden machen/ dan Christus ist vber vns alle/ kluger vñ hoher. Vnd wer im nicht minder zu nachteil vñ schympflich/ wan du ome sein ordnung zerbrechst/ dan wan du deinen furstē oder obirsten sein satzung anderest oder abtetest

Alß wenig/ ein vnderthan ordnung des obirstē brechen oder andern kan so wenig kan ein Christ/ dē hern Christo seine satzung vnd ding anders machen oder abthun.

Er heiß Papst/ Bischoff/ Furst/ Burgermeister oder gemeind/ dan Christus ist vber auß hoher vñ mehr/ dā die ganz welt. Drum soll keiner achtē. was der Papst/ Bischoffen/ Fursten/ vnd stett zc. halten/ vñ mit diesem sacrament thun. Sonder auff das Ewangeliū fall yder meniglich sehen/ das licht vnd leicht ist/ vnd darff keiner gloß. Eins behertzē vñ glawbigē menschē bedarff es

nit menschlicher erklerunghen. Alhie sag ich / ab wir  
sonste keine vrsach hettē zeredē / wer doch disse genug / dz  
wir die beide zeichē der Messe / in Ewangelischer vñ al-  
ter Bedewtūg sollē bleibē lassen / der halbē / dz Christus so  
gesprach / klug / vñ weiß ist / wie alle mēschē / zesamē gere-  
chnet / ymer mogē werdē. Hett Christus wollē habē / dz  
wir anzeigung seiner zeichē / soltē oder mogtē / andern vñ  
vermischē / er het / vns das nit verschwigē. Das wil ich  
auch vō Brauch gesagt habē. Nun sage mir Papst / wā  
her dir dise macht kumpt. dastu ein anderung in der bedeu-  
tung der zeichē hast dorffen machē? Bistu vicarius Chri-  
sti / vñnd hast gehandelt. als einē frumē Vicario zusteht /  
zeige vns dē bevelh Christi. Wurdstu das nit thun / so  
magt ich dich einē falsariū schelten / aus deinē aigē rechtē.  
xvii. Der Papst hat den Leyhen eingerett / das ein fer-  
lich ding sey / wan ymand ein tropfflein weins / aus dem  
kelch / auff die erden empffelt. Vnd dar auff gesagt. Wer  
ein gestalt nimbt / der neme so vil / als hette er beyde genu-  
men. Aus diser vrsach / das Christus vnder beeden ges-  
taldten volkumlich ist. Ist es war / das Christus vn-  
der brot volkumlich ist? vñ mit aller artt / wie her in dē  
kelch ist? (das ich auch nit anfecht) so hat das Christus  
one zweiffel / sehr wol gewist / vñ ehr / dan ein Papst auff  
erden kumen ist. Warumb hat er dan zwei zeichen ge-  
ben? Oder war vmb hatt Christus verhalten / das wir  
one ferlickeit / mit seinen zeichen / nach vnserm willen /  
soltē vmbgeen? Warumb hatt Christus ouch zwu  
verheischung geben? zweierley lauts / wan die zeychen  
ein dingt sein?

xviii. Ich wil dir Papst / vñnd du neid / ein ander item  
furhalten / Christus spricht zu allen dē yene. so sein brot  
gessen haben / vñnd saget noch herwth in der schriefft zu de-  
nen die sein brot essen. Ir solt alle sampt aus dem kelch  
drincken. Matth. xxvi. Also haben auch alle empffaher  
des brots aus dem kelch gedruncken. Marci. xiiii. Hoer  
Papst / vñnd tu auff dein oren du grober hast das Chri-

stus nit allein zu den gesagt hatt. Drincket aus dem kelch alle/ die das sacramēt geben deyhen/ wie die Briester/ als des Bapst gloßlin leret/ sonder/ er saget gleich zu dē yēc die seinē leip essen/ oder sein Brot niessen/ das sie ouch aus dē kelch sollen drincken. Wie bistu dan so mutwillig/ da stu dē leyhen den kelch vom mund ruckest? Horend wie Christus saget. Ir solt alle aus dem kelch drincken/ so mein Brot gessen haben. Merckt auff wie der Bapst mit Christo stumbt/ wie ein Kessel mit einer Nachtigall/ der Bapst spricht. Ir solt nit alle aus dem kelch drincken/ so ir das Brot des hern niesset. Christus saget. Ir solt alle sampt daraus trincken. Nun meine bruder sehet ir habet die wort Christi vor euch/ vnd des wider christlichen Bapst/ Christus macht euch selig/ der Bapst verdampt euch/ drum sehet welchem ir nach volget.

Der Bapst hat allein seine Pfaffen beyder gestaltdē würdig gemacht/ die leyhen macht er des kelchs vnwürdig/ vnd thut das aus lawterem freuel/ vñ mutwill. Das er/ vnd seine Pfaffen/ hoher geacht werdē/ dan leyhen/ wie wol er das nit gesteen wil. Ich muß yzo mit im disputiren. Er spricht das die teiler des hochwürdigē sacraments ein grosse mechtige sünde thun/ drum das sie ein gestalt allein nyessen. Darumb sag ich/ sundigt eyner darumb das er das sacrament speltet vnd zerteilet/ wan ein Briester ein gestalt nimbt? Volget ouch das die leihē solliche greuliche sünd tun/ wan sie ein gestalt allein nhemē.

Vrsach. Das sie/ das teilen/ das Christus samptlich gibt/ das ist/ sie nhemē ein gestalt/ vñ nit die andere/ der halben seind sie sacrilegi/ glich wie die Pfaffen. Dan der Bapst macht/ die Pfaffen nit sacrilegos in dē das sie daß Brot/ eher/ dan wein/ cōsecrirē vñ nemē/ sonder dan. wan sie gestalts des brots nemē vñ essen/ vñ wollē keinē wein drincken. Also steht der grund auff der teilung des sacraments/ wan die empfaber/ das sacramēt teylē/ dan solten sie sacrilegi sein/ das ist/ geistliche dieb sein/ die geistlich oder göttlich ding rawben vñ ind stelhen.

Da bey merck mein Bruder/ wie ferlich das ist/ wan du  
das sacrament beeder zeichen teilest. Dan der Bapst er-  
kent selber/ das seine pfaffen/ geistlichen diebstall thun/  
wan sie in iren Messen ein gestaldt allein/ on die andere/  
genissen. Damit wil ich die papistischen erschreckē vñ  
erinnert haben/ das sie ietzo lernen/ wie sie ir Bapst ver-  
firt hat. Ich wil sie mit iren aigen pfeilen schiessen.

Den frumen Christen darff ich nit anders sagē dan go-  
tis wort/ weil ich dan oben gesagt hab/ das Ewangeliū  
klerlich spricht. Ir solt alle daraus drincken/ vnd redet  
das zu denen/ so das broth gessen habē. Volget. Das  
alle den kelch sollen brauchen/ so das brot genossen habē.  
thund sie das nit/ so teylen sie die Messe/ vnd das hoch  
wirdig sacramēt.

ix. Die schrift setzet warheit vnd lügen oder ver-  
maledihung gegē vñ wider ein ander. O see iii.

Gleich wie verheischung vnd betrohung wider ein an-  
der streben. Josue. xxiii. Deu. xxvii. et xxviii.  
Welcher nit gottliche zusag vnd warheit prediget/ vnd  
verheischt dir doch etwas/ das zu der seligkeit dienē sol/  
der verkündigt dir lügen/ das wil auch Hieremi. xxiii.

Als wan der Bapst saget/ welcher Ablass verdiēt oder  
kaufft/ dem werden seine sündē vñ peen vergebē. Das ist  
ein merckliche lügē/ vñ wer das saget/ der leuget/ als der  
Bapst/ vñ verkündigt fried/ do kein fried ist. Der glei-  
chen haben wir vil fuder vñ karn voller lügē von Moni-  
chē vñ pfaffen horē müssen/ welcher sie keine zeigē mögē  
in der gschrifft. Wider vmb wan dich einer trawrig  
macht/ vñ malet dir einē schwarzē horichtē Teuffel vor.  
vñ kan soliche troliche wort nit in der Biblien dewren/  
der erschreckt dich mit lügē. als Ezechiel saget. xiii.

¶ Wan der Bapst einen also erschreckt vnd trawrig  
macht. den got durch sein wort nit erschreckt/ oder be-  
trubt/ so verkündigt er/ erlogen vermaledihung. Als  
wan dich der Bapst zaghastig vnd kleinmutig macht  
von wegen der gefelickeit/ die got nit groß acht/ oder für  
res

ret dich von etwas / das dir woll dienet / wie wol er des  
selben keinen schein oder grund in der heiligē schrift hat.  
so predigt er / erdichte vnd erlogen / vermaledeihung.

So hat er seinen Bann an tag gebracht. Also hat der  
Papist auch ein ferlickeit des gebluthes erdicht / do er den  
kelch den leihen hat wollen nhemen / vnd gesagt. Es sey  
ein grosse sünde / wan einē ein tropfflin gesegnetes Weins  
empffall / so er aus dem kelch drincket / vñ hat mit seiner  
reuerentz dem sacrament vnd mēschen gewalt geton / vñ  
die Christen ganz von bedewtung der zeichen frombd  
gemacht. Nu hor / der Papst endsetzet sich nit sehr /  
wan das ganz sacrament in ein menschen feelt / dero nit  
weiß was er nimbt / das doch Paulus mer strefflicher  
acht. sagend. Welcher das Bro vnd Wein nit vr-  
teilt / der vrteilet den leib des hern nit. Hat er kein vrteil  
vnd erkantnis des hern / so wirt er des hern todes schul-  
dig. Nu hat der Papst gemacht das vil tausent mens-  
schen / an vrteil des hern soliche zeichen empffahen / die  
doch alle vnwürdiglich das sacramēt nhemē / vñ vil sche-  
dlicher / dan wan einer / on fürsatz vnd willen / einen ganz  
en kelch vmbsturtzet. Idoch acht das der Papst klein.  
wan soliche vnverstendige vnd vnglaubige mēschen das  
sacrament nyessen. War ifs / so einer den gesegneten  
wein mutwilliglich vmbschutert / das er sundiget / vnd  
wurde des bluts Christi schuldig / dan er vrteilet nit den  
hern. Das ist / er veracht antwer das bluth Christi / aber  
glawbet nit / das der wein das bluth Christi ist. Aber  
wan einer angefeer einē kelch vergoß / weiß ich nit das er  
zu straffen sey. Ursach Christus hat kondē leiden das  
sein blut auff die erden vergossen ist / von wegen vnser sel-  
ligkeit / wie solt im das entlegen sein / wan einer in sicher-  
heit seiner seligkeit / vñ gottlicher zusag wolt kumen / vñ  
verseret wider seinen willen / den gesegneten wein?

Liebe freund es ist tausent mall geringer / wan du vnge-  
ferlich ettliche tropfflin weins / one willen lestest / abtren-  
ffen / dan wan du brot geneusstest / vñ endheldest dich von

Beim wein. Ursach. Christus spricht. Ir solt alle dar-  
aus drinckē. Welcher disse wort veracht/der sehe/das  
im nit geen/als den yenen die zu der wirtschafft gebeten  
waren/ vnd glyben auf.

xx. Ich weiß wol/das du dein leben tag one das sacra-  
ment bleiben mogest/vnd das keiner dazu gezwungen  
ist/das er das sacrament eines oder offtmals nhemē soll.  
wan er sonste vestiglich in dē zusagunghen Christi steht  
vñ verhart. Aber wan du das sacrament nhemē wilt/  
solstu das nhemē/wie dir Christus das giebt/vnd nit  
anders. Nun hat Christus seinen Jungern (vnd vns  
volgend) zu gestaldt geben/vnd wil haben/das alle  
vom kelch sollen drincken/die sein brot gessen habē.

xxi. Auff das du merkest/was ferlickeit aus nachlass-  
ung des kelches endstee/wilich furt sagen von eigen be-  
deutnus beyder zeichenn. Vnd am Wein anfahen/dan  
sein dewtung ist leichter zu vernhemē.

Wein bedeut vergebung der sündē. Ursach. Christus  
spricht/das der wein sein bluth ist welches fur vil ver-  
gossen wird zu vergebung der sunden. Christus wort  
volgen vnd lauten also. Das ist der kelch des newen  
vnd ewigen testamēts/in meinem blat/das fur euch/vñ  
fur vile vergossen wird/zu vergebung der sunden. Also  
lauten wort Christi/so man Mattheū/Marcū/vnd Lu-  
cam gesamen stellet. Aus disen worten/wollē wir das  
eigen vnd sonderlich bedeutnis des weins suchen vñ ler-  
nen. Dan aus den worten/der verheischung mogen wir  
anzeig vnd bedeutung der zeichen ergreiffen.

Demnach sag ich/dz der wein eigentlich vñ sonderlich  
vergebung der sunden bedeut. Also wen du ader ich den  
kelch des hern trinckē. Sollen wir sicher vñ gewiß sein/  
das Christus seine wort vnd zusag vestiglich vñ unver-  
brochlich halten/vñ das geben wil/das er verheischt.

Nun hat er vns versprochen vñ gelobt/das er sein blut  
vmb vergebung vnserer sunden wolt vergyssen/vñ ver-  
gossen hat. ¶ Das wort muß ich erstlich drincken oder

essen / chr. ich den kelch trinck / das ist. dē wort muß ich /  
on alle widerreed / glawbē Darnach magt ich das zeichē  
disses worts nemē / dadurch ich eigēlich weiß / das Chri-  
stus seiner zusag nit vergessen hat / vñ das er / seine wort  
wil erfüllen / vñ das sein blut gleich meine sünde erseufft  
vñ außgetilget hat. Wan ich das glawb / so ist gott als  
hie vñ schatzet mir disen glawben für gerechtikeit / vñ  
wil meiner sündē in ewigkēit nit mehr gedenckē oder stra-  
ffen. Als Esaias saget. Gedenck du deiner sünd so wil ich  
ir nit gedencken. In solchem glawbē solt ich frid habē  
zu got durch Christum. Vñ wan ich ein befriidt vñ ge-  
rüblich gewissen het / dorfft ich keines zeichēs. Aber / o  
got / es beschicht / dz sich manigfeltige gedanckē vñ zweif-  
ffel erhebt / der vnser gewissen vn sicher vñ forchtsam ma-  
cht. Drumb hat vns Christus / sein zeichē / gebē. Nem-  
lich den kelch vñ wein / vñ hat vns ein solich zeichē zu-  
henden gereicht / das wir brauchen mogen / so offt die ge-  
wulckē der lufft / das ist bedrenghung des gewissen / vñ  
die Sonn / das ist Christum verdecken vñ fern machē.  
Durch welches zeichen / vns keine forcht / keine hell / kein  
Tewffel von gottlicher zusag soll emfrombden. Das  
ist die frucht des zeichen weins. Nemlich sicherheit vñ  
gewisse vrtund zu dewtē / das Christus sein blut zu ver-  
gebūg meiner vñ viler mēschen sünde verschutt hatt.

xxii. Brot der Messe hat auch seine eigē vñ sonderliche  
Bedeutung / welche durch disse zusag gelernet wird.  
Mein leib wird für euch gegeben. Ich bekē hie das dis-  
se zusag nit allzu licht ist / dan ich forcht / das vnser vill  
seind die nit wissen / was disse wort begreuffen vñ inhaltē.  
In der summ. welcher nach der weit solich e wort außlegē  
wolt / der muß Moßen. Prophetē. Ewangeliē Paulū vñ  
alle andere Aposteln wol durch suchē vñ vernhemē. Inso  
wil ich kurtzlich gesagt haben. Das disse wort Christi  
Mein leib wird für euch gegeben. vberwinttung vñ obsig-  
ung des todts vñ auffersteūg des fleisch in gloriē also ver-  
heischē / dz Christus dē todt vberwuntē / nidergelegt hat  
E u vñ ym obsigt.

Also das alle menschen / die hertzlich in Christu gl. w.  
ben / durch solige zusag Christi vn̄ durch dē gläubē / d. sse  
art in sich bef. indē / das sie den tod nit forchtē / sie wissen.  
das ihn der tod nit schatt zu der verdampnis / vn̄ haben  
fur gewiß / das sie der leipliche tod nit in ewigē tod brēgt.  
sonder durch leiplich absterben zu ruh vnd senfftē schlaff  
in Christo. in der sum / vō tod zu dē leben fuert.  
Also wirt der bitter tod / süess. Der erschrecklich / frolich.  
Das verderbnis / ein gewin. Also wird dir der tod ein  
pfort vn̄ weg zum lebē / dero dir ausserhalb des glaubens  
den weeg zu der ruh in Christo verlegt vnd verhindert /  
vnd macht dich vast scheu vnd abwendig. Das alles  
erlangt der gerecht durch den glauben in Christum / vnd  
horet disse stum von got. Glaub das mein Son fur dich  
gegeben / so wurd dir der tod nit schadē / vn̄ ob du gleich  
nit gern sterbē wollest / halte dich an dē tod meine Son.  
vnd glawb / das er den tod vberstreit / vn̄ ym obgesigt  
hab / so wil ich dir alle gebrechen / im tod meines sons  
auffheben / vn̄ alle sunde bedeckē. Also ist mit der au  
fferstehung des fleisch. dan gleicher weiß der tod Christi vn̄  
s̄ern todt ertodet vn̄ frist. Also brengt auch die aufferste  
hung des leibs Christi / vn̄sere aufferstehung. das wir ge  
wiß sein. so wir Christo glauben. das wir / auch mit geist  
lichem leib auffstehen / vn̄ dē tod sagen werden. O tod  
wu ist dein dorn! Irē der tod ist ertodt / oder verschlun  
cken. Also ist mit erfullung des gesetz vnd gotlicher  
gebotten / vnd andern dingen. In der sum / dyssē verhei  
ßung. Mein leib wirt fur euch geben. verheisset allen  
glawbigē / das alles leiden Christi vn̄s̄er leyden sein soll.  
Item das alle. schetz seiner gnadē vn̄ gerechtickitē / vn̄s̄er  
eigē gerechtikeit sein sollē. Seyne heilikeit / vn̄s̄er heilikeit.  
seine steerk / vn̄s̄er sterk. Vnd widerumb das Christus al  
le vn̄s̄er sunde vnd gebrechen an sich genomen / vnd sich  
eigen gemacht hatt / als Esaias Paulus Petrus vnd an  
dere sagē. Das ich in dem buchlin von beeden zusagung  
hen des newē testaments weiter angezeigt hab.

Demnach sag ich. Wan einē soliche gotliche zusag ym  
herzen grunet vñ auffgeet / vñ wolt doch das er in einem  
eufferlichem ding mogt lernen / vnd also in sicherheit zus  
men / das got seiner zusag gedencet / vnd woll seine wort  
ganzlich erfüllē / soll er das brot nemē / dz yme der her Je  
sus gesegenet / bricht / giebt / vñ sagt. Du salt das in mei  
nem gedechtnis essen / vñ allen zweiffel zeruck schlagen /  
keine sünde vnd vnwürdigkeit scheuen. vnd gewislich hal  
ten vnd wissen / das got alle seine frucht der zusag in dir  
wircken wil. Dar auff soll er sich verlassen / vñ weder tod  
noch hell forchten. weder erfüllung das gesetz / noch auffer  
stehung / anders suchē dan durch den glaubē zu Christo.  
xxiii. Hier auß schepff mein frunde gutter bruder vnd  
merck / was vnß Bepfliche regimēt / vñ seiner anhenger  
reich / schadens oder böses gemacht hatt. Ists nit ein  
Fleglich vnd yemmerlich sach. Das vnder tausent Chri  
sten / schwerlich einer ist zu finden / dero wiß wartzu Chri  
stus seine zeichen gegeben vnd eingesetzt hat / vnd dero  
nicht irret in den deutunghen beyder zeichen / Wie vil  
ist vnser gewesen / die vergebung der sündē ym zeichē brot  
haben gesucht / vñ vileicht noch suchē / das manigfeltig  
vnrecht vnd irrig ist. Ich wil euch zwu irrungen ver  
furstellen. Eyne ist. das sie wenen / zeichen als zeichen /  
oder in dem das sie deutē / vnß frum vñ selig schaffen / dar  
umb sagen sie / das heilige sacramēt sünde vergeb / das ich  
nit leuckel / wan sie von dē zeichen / in das fleisch Christi  
treden vnd hoffen in dē leib Christi / mit welchē das brot  
vnd zeichen ein ding geworden ist. Aber wenig habē den  
vnderscheit der wegen irren yr nit wenig. Der ander irth  
umb ist / das sie bedeutnis yedes zeichē verkert / vnorden  
lich / vnd vngewis gemacht haben. Ursach das die ley  
hen in vorigen vnd gegenwertigen zeiten .vergebung der  
sündē / im brot gesucht haben / vnd suchē / vñ nach lassen  
das zeichen / das doch Christus / von wegē der zusag vñ  
wort geben hat / die allen glaubigen vergebung der sün  
dē verheißt vñ verspricht. vñ verlassen also nicht allein

Das zeichen / dar in / der empfaher gewis vnd sicher soll  
werden / das im Christus seine sünde abgewaschen hatt /  
sonder dartzu verlassen sie seine wort vnd verheischung /  
welche also lautē. Das bluth wird vergossen in verge-  
bung der sündē ewrer vnd viler menschen. Diffe zus-  
sag / zusamt ire zeichen verlassen sie / vnd suchen soliche  
vergebung der sünden / vnd sicherheit der vergabung / im  
brot / das Christus der halbē nit eingestelt hatt. Vnd ver-  
keren got seine sagung vñ ordenung. Das doch den Pa-  
pistenn beschwerlich wurd / so einer / ire ordenung ver-  
broch / vñ werkeret. Also magt meniglicher verkerung  
vñ vnordenlikeit in den zusagunghē vñ zeichē vorstehn.  
Dar aus volget vngewisheit / dan die zeichē werdē vn-  
gewis / wan ein Christ das Ewangeliū lisset / vnd siht  
das der gebenedeiheyt wein der halben / fur ein zeichen ge-  
ben ist / das man in sicherheit mogt tunen / das dē empfa-  
her alle sünde vergeben seind / Vnd mercket widerumb  
das die Christen diffe sicherheit in eynem andern zeichen  
suchen. Dan er gedenckt bald / es muß vngewis ding sein  
mit den zeichen / vñ feelt also von dē gedechtnis Christi  
des man doch solt indechtig sein / wan man die fruchte  
der zeichen ergreifen wil. Darffestu sprechen. Solten  
die Christē biß anher geirret habē? Antwort. Du hast  
dz Ewangeliū vor augē / vñ sihest bedewtung beyder  
zeichē / dar auß vrteil deine vorgener vñ alt veter. Mich  
gemand gleych / disser frag / als der do die gleyßner zu  
Christo sagte / warumb vberfarē deine Junger vnser alt  
veter traditionem vñ sagung? Dar auff anwurt Chri-  
stus. warumb vberschreitt ir gotis gesetz von wegē des  
gesetz ewrer veter? Ezechiel spricht am. xx. c. Ir solt  
nicht gen in geboten vñ gerichtē ewrer veter. Alter.  
vnd gewonheit behuten nit vor irthumb. Sonste weren  
die alten holzschugschlepper zu Jüterbock auch klug.  
Drumb darffestu nit klappern / solten vnser veter geirret  
haben / dan es ist war one widerred das sie gestrauchelt  
vñ geirret habē / wan sie wider gotliche einsetzung gelebt

Haben. Gottis wort ist der weeg vñ warheit / welcher auß dem selbe kumpt der irret / vñ geht nebend dem weeg vnd warheit.

Du sprichst ich magē mit den zeichen umbgehen wie ich wil. Antwort. Weiß mir disse macht in der schrift.

Auch frag ich wan dem also ist. Warumb sibistu mit den regen bogen an / wan du das hochwirdige sacrament wilt gemissen? Aber warumb numstu mit den schepper wollen Gedeonis? oder richtest dir ein schlangen auff in der wustung?

Wan ich einen mißbrauch in den zeichen zugeb / muß ich alle andere mißbrauch zugeben / vnd sagen / das man das brot anders dan mit essen / den wein anders dan mit drincken brauchen mog / das sey mir frombd vñnd fern.

Ich wil mich zu dein gewisten vnd besten teyl halten. von zeichen redē / wie die schrift redet / dan got ist wizig vnd weiß genug.

Ja sprichestu / ich mag das bluth nhemen oder nicht. Antwort. Das Ewangeliū spricht. Trincket dar auß alle. Wiltu das brot Christi essen / solstu seinē wein auch trincken / aber eins mit dem andern emperen.

Noch weiß ich / sprichestu / das die Aposteln in der Brechung des brots geblieben sein / das die schriefft lereth Acto. ii. vnd meldet nicht vom kelch. Antwort.

Sie seind blieben in Brechung des brots / wie Paulus zu den Corinthiern lereth. i. Corinthe. xi. vnd nach ordnung Christi / dor ann ist kein zweyffell. Drum darffstu nicht gedenckē / das sie nach ordnung des Papsst darinn blieben sein.

Die Christen sollen / mir nicht glawben sonder tuhn / wie die scume Tessalonicēses theten / welche Paulo nach suchten / vnd erfursten die schriftten tag vnd nacht / vnd sahen das also geschriebē stund / wie Paulus predigt / vñ gelawbten ir vil. Acto. xvii.

Kurtzlich ich werff dir das Ewangelium inn Bart/ ob  
du gleich aller menschen klugheit vnd vernunfft wider  
mi. stellest. Vnd sag noch das die leyhen im brot suchen  
das ihn das brot nit giebt/ ist auch der halben nit ein ge/  
setzt. Drumb empffahē sie nicht/ got wolte dan gestatē dz  
wir new zeichē/ vñ nach vnserm hirn auffrichtē mogtē.

Du sprichst die empffaher mogen durchs broth vñnd  
fleisch Christi auch gewiß vnd sicher werden/ das sie ver/  
gebung irer sunden bekumen.

Szo sprech ich das Christus vns seinen kelch wein vñ  
bluth giebt zu trincken/ auff das wir sicher vñnd gewiß  
werden solicher gottlicher gnaden.

Ich hab das Ewangelium. Was hastu?

Ich fur die Christen zu dem/ das gewiß vnd sicher ist.  
Waz zu fuerestu sie?

Ich halt/ Christus hett es vns nit verhaltē/ wan wir  
an dem brot allein genug solten haben. Vnd hab diese  
schein vñ grund/ das Christus saget. Trincket alle sampt  
dar aus. Das hett er ye nit geletet/ so wir des kelchs ein/  
peren dorfften/ das ist mein grund. Was hastu fur einē  
grund vnd schein?

Du hast ein altherkumē/ gebrauch vñ vbung/ vñ weisst  
nit ab sie guth vnd gerecht ist/ aber nit.

Ich hab die alte vnd ewig warheit/ die on alle wider/  
red gut vñ gerecht ist. ¶ Darffestu an den Ewangelische  
buchern zweiffeln. Du Teuffels kopff/ so leeg ich dir  
gleich die bucher fur/ so du/ vñ deine Endchristen/ fur  
Ewangelische gehalten habt/ das sag ich nicht/ das sie  
endchristliche lernung aus dem heil. Ewangelio gezogen  
habē. Sonder das sie gleich das Ewangelium niderdruckt  
habē/ das sie doch fur das warhafftig Ewangelium achtē.

Dar aus volget erstlich/ das die yene so das broth oder  
gestalt des brots/ darumb nhemen/ das sie selig da durch  
wollen werden zweifeltig irren. Zum ersten. Das sie in  
eufferlichen vnd leiplichen dingen/ gerechtigkeit/ hielt vñ  
trost suchen/ wieder das wort Christi. Caro nichil pro/  
dest

dest. Wie oben gnugsam gesagt ist / die auch den kelch  
nit wollen drincken / vnd essen das brot allein. Erstlich.  
Das sie eigen zeichen machen / halten das nit fur ein zei-  
chen / vergabung der sunde / das doch gott eingesetzt hatt.  
Zum andern das sie wider das gebott Christi thun / dero  
spricht. Trincket alle sampt dar aus so das broth gessen  
haben. Als solt er sagen. Wiltu nit drincken / solstu auch  
nit essen. Christus verstendiget vnd leret vns / das wir  
frucht vnd gnad seines todes nit ervolgen / vnd bekumē.  
wir haben dan vergabung der sunde zuvor ahn ervolgt.

Druinb saget ehr (meines bedunckes) Trinckett alle  
sampt aus dem kelch / dero mein bluth ist / welches in ver-  
gabung der sunden wirt vergossen.

Durch den tod kumē alle vnglawbige in verdempnis  
vnd ewigem tod.

Durch die sund ging der tod in die welt. noch dem ges-  
schrieben steht. Gen. ii. Du wirst sterben / so du wider  
das verbott wirst essen. Item. Du bist aschen / vnd  
solst zu aschen werdē. Gen. 3. Das ist / das Paulus i. Co.  
xv. saget. Der dorn oder stachell des tods ist die sund /  
dan gleich wie der fatem vermittelst der nalen / oder einer  
stachell durch gewand geth. Also ist der tod / durch vor-  
gehn. der sund. in dise welt gangē / als mit einē spieß. Ro. v

Der tod Christi hat den erschrecklichen tod errodte vñ  
erwurgt. Der vater hat auch seinē Son / Christum / der  
halben geschickt / das er vns von allem vbell vnd scha-  
den solterlosen / vñ vns verheischen / das wir durch den  
glauben zu seinē Son selig werden / vnd mogtē den tod.  
durch soliche gerechtigkeit des glawbens / auch erwurgē /  
Vnd verdempnis verdunnen. Ro. iii. et iiii. Also das vns  
der tod von dem fleisch der anfechtung / zu dem fleisch  
des gehorsams vnd frides soll furen / vnd keinen schaden  
thun. Aber ferlickeit vnd schaden des todes vorgehn  
nit eher dan des todes spiz. Das ist die sunde / sey vor zer-  
brochen. Der wegen hat gott zu verheischung vnd  
zwey zeichen geben. Eine zusag belangt den tod vnd

S i

aufferstehung Christi wirkung oder erfüllung aller ding  
so got von vns fordert/ die selbe zusag demottet auff den  
leib Christi/ dan der leib Christi/ ist vor vns in tod gebē.  
vnd aufferstandē in seiner glorien/ vñ hat also den tod er  
todt/ das gesēz erfult. vnd das sterblich ist. außgetilgt. vñ  
ist in vnsterblichkeit aufferstanden. Alles das kumpt vns  
gewiß zu gut/ vnd ist vns bereit zu gut gescheen/ wan  
wir glawben/ das Christus also/ fur vns ertodt vnd auff  
gestanden ist. Die andere zusag (durch welche got/ in  
seinē testament vñ letzten willen oder abschied/ vns gnad  
fried/ vñ freud/ verheischen hat) ist das wir vergebung  
der sünden/ on zweiffell/ erlangen/ so wir glawbē/ das  
Christus sein bluth/ in vergebung vnser sündē vergossen  
Drumb spricht er. Drinckett auß diesem kelch/ dero in  
vergebung der sündē vergossen ist. Damit spricht Chri  
stus. Glawbt mit/ das ich mein bluth vergiessen werd/  
vñ nu vergossen hab/ so werdt ir selig. Gleich das/ vnd  
so vil ir wolt (Matth. xvi) solt ir sonder zweiffell/ gewiß  
lich empfangen/ so ir mir glawbet. Glawbt ir meinē wor  
ten nit/ so ist mein bluth an euch verloren. Glawbt ir  
aber/ vñ das fleisch/ betrübt euch (welches allezeit ver  
sucht/ den geist zu dē ergisten zeziehen/ vñ von dem glaw  
ben zu mißglawben zebringen) solt ir mein zeichen nhe  
mē/ den wein/ den selbigen trincken/ vñ da durch in sich  
erheit vñ gewißheit kumē/ das ich nit allein meiner wort  
nit vergessen hab. Sonder ouch meine wort zu euch ge  
rett hab/ vñ sollen euch ewre sünde nit mehr vberdrenge.

Also wird durch das vergossen bluth Christi/ der stas  
chell vñ dorn des todes vñ der hellē forcht stumpff/ vñ  
verleusst seine spitzē/ dadurch er den tod vor einfüret/ vñ  
herschett nit mehr zu der hell. So ir glawbt/ das  
mein bluth in vergebung der sünde vergossen/ wird der  
dorn des todes/ das ist die sünde in ewrē gewissen vñ her  
zen keine forcht vñ angst des todes oder hellē geberē.

Alle ding werden euch trostlich vñ dienstpar werden/  
Dan ich hab den tod vnd die sünde vertilgt.

Demit ir zu solicher frolickeit vñ sicherheit kunnēd / geb  
ich euch ein leicht vñ lieplich zeichē / den wein / dero mein  
bluth ist / dē selben trinckēt / vñ gedenckē meiner / gedenckē  
das ich euch meinē trost verkundt vñ zugesagt hab. Vñ  
wisset das so gewis ir meinē wein trinckēt / vñ gedēckēt  
meiner wort / so gewis sind euch ewre sund zu gedeckēt  
vñ vergebē. vñ das euch got nicht fur ruckē wil als Jaco  
bi. i. steht. Er gibt allē vñ wuiffte nimand sein sund fur.  
xxiii. Daraus volget / das vergebung der sundē in die  
sein sacramēt steht / also / das ich glawbē muß / das Chri  
stus sein bluth / durch geheisß seines hiemelischē vaters /  
fur mich vergossen hat. Vnd das die yene (so von wegē  
irer sundē / beschwerung fūlen / vñ woltē soliche beschwe  
rung gern abwerffen (dise zusag Christi mit irē hertzē sol  
lē greuffen vñ glawbē / das Christus durch sein bluth / ire  
sunde abgewaschē vñ außgelescht hatt. Vnd das das zēi  
chē Wein (welcher das blut Christi ist) dē genießer sich  
er vñ gewis macht / das im got seine sunde vergebe.

xxv. Volget auch das anfechtung der sundē / die mate  
rien ist / in welcher das zeichen aller meist soll gebrau  
cht werdē / gleich wie die gewulcken in der lufft materien  
sind dar inne der regenbog gebraucht wird / wie oben  
gesagt ist im v. vñ vii. articell

xxvi. Volget auch das disse verheischūg des bluts in  
aller vergebunghen der sunden soll gefast vñ vesticklich  
geglawbt werden.

xxvii. Volget auch / dz du keiner wirdigkeit vñ geschi  
ckheit bedarffst / wan du dise zeichē wilt / one schadē / ge  
brauchē. dan dastu ire beide zusag zuvor in deine hertz le  
gest / vñ widerumb dein hertz in die verheischūg tust legē.  
vñ glaubest / dz gotis wort / warhafftig / mechtig / vñ cur  
tig ist / vñ dz got seiner wort nit mog vergessen / wan du  
dz glaubest / so bistu wirdig vñ rechtgeschickt / vnd gibst  
got sein gloriē / die er ganz vnverbrochlich wil erzeigt ha  
bē. Das ist dz recht gloria in excelsis deo. Wan aber  
einer dē beide Ewangeliē oder zusagūg nit glawbet / vñ  
wolt die zeichē / die getzeugnis gebē / auch nit achtē. S is

Der soll wissen das er vnwirdig vnd zu diesem sacramēt  
vngeschickt ist. Dan Chistus saget/das zeychen dem  
wort getzeuknis geben. Ioan. x. Vnd volgend.

Herren sie die zeychen nit gesehen/weren sie on sunde ge-  
west. Ioan. xi. Das fügt ich frombd anher. Idoch ist's  
Bequem das Chistus saget. Selig ist der/dero sich inn  
mir nit ergert oder verlerzt. Matth. xi. das hat Chistus  
zu den Jungern Joannis geredt/welchen ehr vor/von  
zeychen seiner zukunfft/bericht teth. Drumb sag ich  
ouch/selig ist dero/durch die zeychen/der zusagunghen  
in gewisheit vñ sicherheit kumpt/das got seine wort vol  
brennen/vnd volkunnlich vnd gewislich geben wil/das  
er verheischen hat. Von diesem glawben/soll dich/wider  
Teuffell noch sunde feyg vñnd verzag machen/wan du  
aller welt sunde begangen hettest/bistu gleich so wol/ya  
besser geschickt/als der heiligist/wan du dem wort glaw-  
best/vnd durch zeychen sicher vnd gewis wirst.

Wider vmb/wan du nit glawbest/vnd sicher wirst  
so lesterstu got/vnd nennest oder achtest ihn/in deinem  
herzen/einē vnreedlichen/lügenhafftigē/schwachē/vñ  
losen gott. Der wegen wer es tausent mall besser/einer  
hütet sich vor diesem sacrament/dan das er als ein blind-  
der zugeht. Es solt auch der mēsch alle andere bereitūg  
geruckschlahē/vñ sich woll endsynnen/wie sein hertz im  
glawben bereyrt ist.

xxvii. Etliche fasten. Etliche betten lang zeit. Etlich  
steuppen sich. Etlich thund andere ding/dero doch kei-  
nes dē mēschen geschickt macht/ya sie hindern mehr dā  
sunde. Ursach. yene wollen sich durch ire nerrisch geberd  
frum machen/vnd solten frumbkeit aus dem wort vnd  
gelawbē erlangē. Aber die sunde habē vñ fülen/die mer-  
ckē ire krankheit/vñ fliehen zu Christo/welcher dē schwa-  
chē vñ sundern zu hilf kunnē ist. Fassen sein wort/das sie  
gesund macht vñ brauchē sein zeychē das sie sicher macht.

xxviii. Endlich wisse/die weil alle sicherheit vnd ge-  
wisheit/der zeychen(welche von got gegeben seind) auß

dem endsprissen / das vns got seine zeichen aus eygem be  
wecknis selber geben hat. Vñ ist ein ferlich vñ Teuffelisch  
dinng / wan ymand der zeichen Bedeutung verwandelt /  
oder macht / das eine zeichē dz außrichten soll / da zu got  
zwei geben hat. Erstlich das menschlich weißheit sters  
wider got streitt. Ro. viii. vnd gefelt got mit nicht.

Zu dē andern das got / weißheit diser welt fur thorheit  
acht. i. Corin. ii. Zu dem drittem endsteet ein grawsame  
hoffart vñ freuell / dz ein klein elend wurmelin / so durstig  
ist. Das dem aller höchsten konig seine ordenung min  
dert vñ bricht. Zu dem viertē endsprisset vnglawb vñ  
mißhoffenüg / dan der mēsch muß forchtē / das er in kein  
sicherheit kumpt / wan er weiß / das gott dē wein nit der  
halben auffgericht hat / das er vergebung der sunden / ge  
wislich erlangt. Der halbē treiben ihn die wind vñ vn  
gestumkeit / wie Jacob saget. i. c. das ist mēschē sund vñ  
zweiffell / vñ magt nicht erlangē. Dan der mēsch darff  
nit dencken das er was erlangē werd / so er zweiffelt. Ja  
cob .i. Darein hatt vns der Bapst vnd seine anhenget  
gefurt / die sagē / es sey genug das einer dz brot brauch so  
er dieses sacramēt brauchen wil / vnd das bedcutnis des  
weins im brot auch sey.

xxix. Also werdē die figuren altes gesez nit erfult / dan  
es ist nie kein sunde vergebē / one bluth. heb. ii. War ist  
das sie tirer brachten / wan die Juden irer sunden verge  
bung wolten betumen / aber ire sund wurden nit / sonder  
blut / vergebē. Also soltē wir betrachteē wie dz new testa  
ment im bluth steht / das doch der Bapst gehindert hat.

Nun solt ich vō brauch vñ mißbrauch der zeichen / der  
Messeertzen vnd offenbar machē / so ist dis buālin be  
reit zu groß. derhalbē wil ich disse materiē in ein sonderlich  
buchlin brengē / dz selbe nennē. Vō mißbrauch der zeichē  
des newe testamēts. Es solt auch angezeigt werden /  
der inhalt vnd begryff beider Ewangelien / das ist / beeder  
zusagunghen / dan also wurd bedeutnis der zeichē / ver  
nemlicher werden / vñ der glawb mehr waschen.

Item von der Ewangelische Messe ist auch zuschreiben. Diffe buchlein seind alle sampt den Christen vñ notē/ vñd wolt gott/ das wir alle/ den grund beider zusag vñ zeichē/ hertzlich vernhemē/ one zweiffell/ wir theten got den aller annhemlichsten dienst.

Exempel obangerzeichter reden wie du bey den Ewangelien vñ zeichē in deine hertz solst nhemen.

Czu letzter/ vñd am ende diffes buchlins/ will ich den Christen ein exempel geben/ wie sie sich/ ahn gottliche wort vñ zeichē sollen halten/ in wen noten/ vñ anfechtē. Das also volgt.

Jacob der heilig patriarch. als ehr wider anheim zug/ forcht er/ seinen bruder Esau vber die massen sehr. Vñd fing an zu dencken/ vñ sagen. Got meines vaters Abraham/ vñ got meines vatters Isaack. Her du hast gesagt.

Gehn vñb in die erden vñ statt deiner geburd/ auff dz ich dir woll thun. Ich bin minder dan dein barmherzigkeit vñ warheit/ welche du deinē knecht erfult hast 26. Mach mich ledig/ von der hand meines bruders Esau. Dan ich forcht ihn sehr/ auff das er nit kum/ vñd erschlag die mutter mit den kindern. Du hast gesagt vñ geredt/ du wollest mir wol thun. Vñd meinen samen außbreiten als dz sand des meres. welche nyemand zelhen kan. Ge. 37. ¶ Jacob begreufft gotis zusag/ in angsten vñ forchten/ vñ spricht. O got du hast gesagt/ vñ geredt/ du wollest mir wol thun/ vñ meinen samen außbreiten vñ gemeren.

Diffe zusag ergreyff Jacob/ vñ erinnert got seiner verheischung (welche got in vñ seinen vettern versprochen hett) vñd stellet sein hertz auff soliche gottliche zusag. Vñd saget. Die weil du mir vor gut gethan hast/ bitt ich du wollest noch mehr woll thun. Ich bin minder vñd weniger dan deine barmherzigkeit vñ warheit. Idoch erlose mich von dem gewalt vñ grimmen meines Esau. Dan du hast geredt du wollest mir woll thun vñ meinen samen außbreiten. Also soll ein Christliches hertz/ in no

ten vnd vnru / todlicher forcht vñ angst / gottliche zusag  
ergreyssen / vñ got mit seinē eigē wort haltē / sagend.

Her du hast gesagt / dastu deinē leib fur vns gegeben / vñ  
du hast auch gered / du wollest / dein bluth in vergebung  
vnser sünden vergiessen. Das wort hab ich vor meinen  
augen schwebend / das halt ich in meinē hertze. Wie woll  
ich geringer bin dan alle deine verheischung. Idoch hoff  
ich in deinem wort. Ich weiß dastu warhafftig / gutig /  
almchtig bist vñ verlessest nymand / dero dich anruffet /  
Sih do ist dein wort dem ich glawb. Sih / ich handell  
dein zeichen / dar in ich lerne vñ gewiß bin / dastu mich er  
losen wilt. Also soll der mensch im wort endschlafen  
wie Jacob. Also solstu gewiß vñ sicher werden / in den  
zeichen / wie Gedeon ward / vñ auff stehen im fried Jud.  
vi. vñ vii. Dan ab gleich sein zeichen wunderbarlich  
was / vñ brot vñ wein naturlich vnd kunstlich / dannest  
machen naturliche zeichen nicht minder sicherheit / dan  
ubernaturliche / das Leui. iiii. Gen. xv. Exo. 3. Also  
ruht Salomon in gottlicher zusag / so got David vers  
prochen hett. iii. Reg. viii.

Gedruckt in der Christlichen statt witten  
berg durch Nickell Schyrlentz  
ym xxi. Jar.

Faint, illegible text in a Gothic script, likely bleed-through from the reverse side of the page. The text is arranged in approximately 15 horizontal lines.

Christus in der Christenheit  
begonnen durch den heiligen  
Geist.



AB: 154 090

No 455


ULB Halle 3  
002 512 254



Sb.

101.







10

# Von beiden gestalteten der heylige Messze.

Von Tzeichen in gemeint was sie  
wirken vnd dewoten.

Sie seind nit Behemen oder Kes  
zer/die beide gestaltt nhemē.  
sonder Ewangelische  
Christen.

Andres Boden. von Carolstatt

Gedruckt in der Christliche statt  
Wittenberg Andres  
im xxi. Jar.

(Karlstadt, Andreas)



L 2, 1972.

